

地420.43
42

7-17

戊編物產

卷一 植物

卷二 動物

卷三 礦產

己編藝文



卷一 雜著

卷二 軼聞

梨樹縣志

臧式毅
題





黎樹縣志戊編

物產

五同文圖書

天地物類別之不過三種曰動物曰植物曰礦物如動物中之六畜植物中之五穀礦物中之五金均為普通民生出產所利用者其他若草木若鳥獸煤堊等產各隨土質氣候而異其生不能徧地皆同也黎邑地處邊陲土質既鮮膏腴氣候亦較嚴寒凡物之宜於溫度而不能耐寒者皆不能滋生長養茲就土產之所恒有無論動植礦物罔不一一採輯而書之於冊俾生於斯土者展卷瀏覽咸知物土之宜應如何研求蕃殖而利於用焉志物產

黎樹縣志

戊編物產

戊編物產卷一

植物

穀類

蜀黍 土名高粱碾米名高粱米富粘性者名粘高粱磨粉製餅造酒名燒酒
爲本地主食物之一以一二三五六七九區所產爲優

黍 土名糜子碾米名大黃米富粘性者可以炊粥或磨粉製糕產品以一二
區及九區東部爲優

稻 分水稻旱稻兩種水稻本地人無種之者旱稻俗名粳子去殼曰粳米縣
境各區皆產有紅毛稻金毛稻光頭稻之別產品以一三四五區爲優

大麥 播種最早成熟最先有芒殼與粒相粘不易脫本地多用以飼牲畜及

黎 樹 縣 志

戊編物產 卷一 植物

一

濟陽文化與印書局排印

作麩藥品所產以五六七區爲優

小麥 形似大麥分洋麥火麥二種春種夏穫生青熟黃與內省秋麥異磨粉
名白麵爲本地普通貴重食品以五六七八區所產爲優

蕎麥 伏種秋收磨粉供食用凡被災缺苗田地或夏麥收穫後多補種之各
區均產以七八區爲優

粟 土名穀子碾米名小米爲次於蜀黍之主食物富粘性者曰粘穀米名小
黃米炊飯製餅兼宜本地所產以一二九區爲優

稗 粟類米可炊飯久貯不朽可至三十年歲荒可以供饋貧糧境內五七區
沿河患澇田地多種之

紫蘇 土名蘇子產宜高地有特殊香氣可榨油供食用或燃燈葉入藥爲發

散劑本境種植尙少然多爲他作物之保護禾

蓖麻 俗名大麻子可以榨油入藥爲輕瀉劑本境僅七八區少有種者

大麻 上名麻子或線麻成熟時刈取供絞繩造紙用子榨油可食或以燃燈
境內多雜種於豆麥中

脂麻 邑屬七八區種者較多俗呼芝麻榨油曰香油供食用

薏苡 漢馬援征交址始得其種產宜窪地殼堅硬土名草粟子或貫以線持
爲念佛珠又入藥薏苡仁本境昔日尙有種者

玉蜀黍 土名包米又名棒子米碾之可炊飯及磨粉未成熟時即可煮食收
穫冠其他食糧之首本境產品以四五六七區爲優

大豆 土名黃豆種子可製醬及醬油豆油豆腐等食品爲本地最普通之副

黎 樹 縣 志

戊編物產 卷一植物

一一

瀋陽文化與印書局排印

食物產量較多佔穀類五分之一爲輸出品一大宗以一二區所產爲優五
九區次之

小豆 有白赤鰲花各種或作餅餌餡或磨麪製粉條供食用赤者可入藥本
境各區均產以七八爲優

綠豆 性甘寒清熱解毒粒小於大豆磨粉可製糕或漚之以製條粉亦可生
芽食之境內以七八區種者較多

豌豆 春種夏收嫩時色青可充蔬食入罐頭實成則爲土黃色境內間有種
者

刀豆 結莢果形如小刀得名土名雲豆或曰豆角結莢嫩時供蔬食種子色
彩多至十餘種

紅豆 土名長豆角嫩莢供蔬食

蔬類

菘 土名白菜伏種秋收供蔬食或漬爲酸菜醃菜爲本地主要菜蔬春初種者則呼爲小白菜嫩時食之味尤鮮美

芥 土名芥菜芥子味極辛葉可充蔬食根肥而多肉土名芥疙疸可漬爲醃菜子白者可入藥

萊菔 俗名蘿蔔子入藥爲萊菔子品種甚多有青白紅等色其根葉皆小而體成錐狀者名爲水蘿蔔皆供蔬食

甘藍 土名疙疸白菜又名球白菜葉層疊包裹成球狀供蔬食味美少纖維
韭 土名韭菜一年常有葉供蔬食春秋嫩時味尤美

黎 樹 縣 志

戊編物產 卷一植物

三

瀋陽文化與印書局排印

蒜 有大小蒜二種大蒜名葫小蒜名蒜皆可生食本境所種者有紫皮蒜白皮蒜之別

葱 春初勃發如角故名羊角葱新栽者下體埋入土中即名曰葱白與葉皆可生食爲人最普通之副食物本境每於秋日白露節種之

茄 有紫白青三種可供蔬食

芹 莖高尺許葉柄甚長供蔬食味甚香美

蒿苣 土名生菜可生食故名

胡荽 俗名香菜嫩時生食甚香美實辛香供香料

葫蘆 春種夏末結實秋中成熟形圓者名葫蘆長者名瓠子嫩時可食其小而扁及細腰者不可食至老皮堅可備器用

菠菜 一名菠薐根色赤味甜春種者夏食秋種者春食爲本地常食之蔬
茴香 一名藁香有特殊香氣可供造醬香料子橢圓形大如麥粒性熱入藥
可健胃驅寒莖葉嫩者可充蔬食

胡蘿蔔 根黃赤圓錐狀可供蔬食

番椒 土名辣椒果實圓大稍扁者名柿椒細長者名羊角椒嫩時綠色老則
變紅味極辛辣可佐蔬食紅椒亦作香辛料

萱草 俗名黃花子亦名金針菜花蕾如棒採供蔬食或製乾菜味極美

山藥 又名山芋莖細長具纏繞性根圓長尺餘多肉可食

冬瓜 春暮生苗引蔓實長尺餘老則外皮生白臘膜可供蔬食

黃瓜 一名胡瓜莖有卷鬚攀援上升嫩時皮綠多細刺老變黃赤色供蔬食

黎 樹 縣 志

戊編物產 卷一植物

四 瀋陽文化興印書局排印

爲本地普通之菜類

南瓜 土名倭瓜有甜麪兩種爲普通食品境內多種之

攪瓜 土名形橢圓老則皮硬內肉生筋攪之其縷如絲可醬醃之爲菹

絲瓜 嫩時可食老則果肉內生其強韌網狀之纖維即所謂絲瓜絡也

苦菜 土名曲麻菜農人惡其害苗鏟除最難葉可生食爲饋貧之野菜

蓼 恆生於水邊種類頗多有水蓼馬蓼辣蓼諸稱

蘑菇 土名蘑菇寄生於枯木皮下體如笠狀品種甚多生於榆者爲榆蘑生
於榛者爲榛蘑生於柳根者爲柳蘑邑內無大林場出產最少

蕪菁 俗名大頭芥實成長角根塊可食

馬齒莧 園野自生嫩時可煮曝爲蔬俗呼馬舌菜

藜 即藜之紅心者嫩時可食莖老可爲杖

灰藜 一名蓄藜嫩葉可爲蔬實圓如球仁可磨粉歲荒絕糧人亦食之

野蒜 一名山蒜土名小根菜入春早生味辛可食其蓄根最深生息甚易農人目爲害苗之草

馬鈴薯 土名土豆又曰地豆塊莖生地下供食用澱之成粉可造粉條惟塊莖所生嫩芽即土豆芽有毒

果類

桃 果實秋熟味甘酸土產雖較異地來者稍小而風味不殊核仁入藥曰桃仁

李 實爲球狀核果味甘酸不一熟時有青黃赤紫之殊本境所產多熟於秋

梨 樹 縣 志 戊編物產 卷一植物 五 瀋陽文化興印書局排印
後 杏 果實成熟形圓稍扁色青白或淡黃白者俗稱爲銀核杏黃者爲麥黃杏

因與麥同時成熟故名 梨 種類頗多秋時成熟本邑所產不及廣寧所產者佳

櫻桃 果實如小球初綠色芒種後成熟則變爲紅味甘酸可食

海紅 俗名海棠果爲西府海棠之實秋間實熟大如山楂皮紅甘脆可食
花紅 林檎之屬一名沙果中秋果熟味酸

葡萄 土名家葡萄栽培園圃蔓生圓者曰圓珠葡萄長者曰雞心葡萄本境第六區所產圓者最多每年出產約數十萬斤幾乎占農家之副產地位味

甘美可食兼可釀酒

山楂子 別名堂杔子土名山楂又曰酸楂實圓黃赤色味酸可生食

杔子 土名山裏紅果實較小味甘酸可生食

甜瓜 一名甘瓜土名香瓜味甜多汁七八月販賣者甚多供食用消暑解渴

西瓜 味甜多汁供食用解渴利尿

打瓜 果似西瓜而小種子名瓜子炒食可款客本地出產不甚多

藥類

益母草 野生越年生草專治產婦病本境所產與販來品功用不相上下

防風 多年生草芒種節開細白花實如蓆蓼子而大根部土黃色能療風疾

故名

甘草 莖及根皆入藥味甚甘故名本境所產與地道產品無甚差別藥肆多

黎 樹 縣 志

戊編物產 卷一植物

六

瀋陽文化與印書局排印

購用之

桔梗 多年生草莖入藥亦效

茴香 實大如麥粒殼有細稜俗稱大茴香味辛本境產者與地道無異

黃芩 色深黃曝乾入藥頗著效近來土產甚少

車前子 多生路旁俗呼車輪菜子入藥即車前子本地產者功用頗佳

地榆 多年生草嫩葉可食入藥亦效

紅花 園圃多栽植夏日開紅黃花花冠為管狀入藥本地所產者較之地道

產品性稍激烈不可用之過量

荊芥 莖葉皆可入藥

蒲公英 即地丁野生亦可入藥

薄荷 多生於濕地莖葉皆有異香採以入藥頗有效力

澤蘭 產於濕地花入藥甚效

大薊 俗名曲麻菜可入藥

小薊 形狀均類大薊而小俗名鏟刀菜氣味功用與大薊同

茄蒂 即茄柄也煎汁可洗凍瘡

藍根 即藍花根本地產品入藥最良

馬勃 濕地腐敗樹木所生狀如菰而輕碾末亦可入藥

蒼耳 又名棗耳入藥亦宜

牛蒡子 野生暮春生苗又名惡食亦可入藥

蒺藜 莖平臥開黃花實有刺亦可入藥

梨樹 縣志

戊編物產 卷一植物

七

瀋陽文化與印書局排印

茵陳 蒿之一種經冬不死轉年因舊苗而生故名莖葉均入藥以本地產者為最良

旋覆花 莖高二尺許葉橢圓互生夏開黃花如菊可入藥

萊菔子 即蘿蔔子能消痰止咳並治肺痿等症

苦丁香 即香瓜蒂主治欬逆上氣等症

薏仁米 俗稱草粟子即溝子米入藥病人食之最宜

地膚子 嫩苗可為蔬食子繁入藥本境產品功用最著

艾葉 本藥所產品質不佳不堪入藥如煎汁淋洗瘡癬尚可用之

葶藶子 田野自生子扁小如黍粒供藥用尚效

牽牛 一年生蔓草俗稱黑丑本地醫生試用屢效與地道產品功力悉敵

青黛 掠取靛甕上漚沫曝乾所成本地所產入藥功用倍之

木類

榆 種類甚多而本境所產者山榆少家榆多結莢名榆錢可食長養最遲木材堅實可製器具

柳 種類不一鄉村所植者有杞柳枝下垂性柔可爲箱篋有鑽天柳幹直而高質細白可製器具有灰柳河柳去皮可編筐筥且均可備爲薪多生長於河邊及道路兩旁

楊 與柳相類有大葉楊（即白楊）小葉楊（即青楊）二種長養極速本境多以供建築之用

桑 葉可飼蠶木材可製器具皮可造紙本境未事養蠶故植桑者最少

梨 樹 縣 志

戊編物產卷一植物

八

瀋陽文化興印書局排印

老鶴眼 木理堅緻有花紋子赤黑如老鶴眼故名多於山野河灣自生

荊條 皮有紅白二種紅者可爲筐篋本境鄉村間有種者每年一穫按斤出售得值倍於種穀

花類

葵花 即向日葵秋初開獨頭花其花常向太陽低垂旋轉故得向日名子可食又可入染料鄉村園圃有種者

菊花 春由宿根而發夏至後分植深秋始花色形種種多以爲賞玩品

芍藥 莖赤高二三尺葉三裂本境天寒芒種始花美艷可觀根土黃色供藥用

鳳仙花 上名指甲草有紅白紫淡紅諸色實橢圓有尖富彈力熟則裂開射

出種子婦女多取其花以染指甲瓜圃多種之謂能解霧害子入藥名急性子

六月菊 爾雅謂之盜庚即金錢花旋覆花是也色深黃可入藥

蜀葵花 土名大芍季花色紅白者可治帶疾紫者可入染料莖短花小而單瓣者俗名小芍季

卷丹花 俗名捲蓮花六出四垂大於山丹先結子枝葉間入秋開花於頂其根可食即百合也

玫瑰花 俗名刺玫以莖多刺故云小葉橢圓花重瓣以製香水或入酒中名玫瑰露饒有清香野生者花小瓣單呼爲山刺玫

萬壽菊 俗名高麗菊開赤黃色花形似草芙蓉而小

梨樹

縣志

戊編物產

卷一植物

九

瀋陽文化興印書局排印

十樣錦 花色繁多故名

翠菊 俗名江西臘秋時始開花有紫紅藍白淡紅等色

西番蓮 種原產自歐洲本類地豆花大如菊色亦不一鮮妍可愛邑人有栽種者惟性畏寒秋後掘本窖藏來春天暖再移植

馬櫻花 一名合歡葉書舒夜捲花如絨團宋詩謂門前一樹馬櫻花即此花也

松葉牡丹 俗名洋海棠又名半支蓮莖葉皆肉質夏間枝梢開花無花梗有紫紅黃白金紅諸色形有單瓣復瓣截枝插土即活極易繁殖

串枝蓮 一名纏枝牡丹花淡紅色蔓生

夾竹桃 俗名柳桃葉枝均如柳狀冬置溫暖之處亦可常青經年再花更迭

不斷

臘脂花 即紫茉莉花一名臘粉豆花分紫白紅黃淡紅諸色類喇叭狀種子色黑珠狀有稜及刻文內含白粉狀之胚乳可製擦面粉

玉簪花 亦名玉搔頭叢生異香撲鼻因蕊如簪頭得名

秋海棠 庭院栽植之秋開單性花色粉紅

石榴花 多以盆植之有花石榴菓石榴二種花石榴華而不實菓石榴花後結實

雞冠花 有紅黃白數種花序狀如鷄冠故名子黑小光滑霜後始凋

月季花 又名長春花俗稱月月紅花托按月開放故名月季花

冬青花 莖高二三尺葉如柳而長天愈寒莖葉愈青一種寄生於楊柳樹枝

梨樹

縣志

戊編物產 卷一植物

一〇

瀋陽文化興印書局排印

間春夏始花紫色結實紅黃二色

石竹花 叢生有節夏日開花有深紅淡紅二色雜彩斑駁可觀

金雀花 俗呼黃雀梅花四瓣尖瘦旁兩瓣外張翼然如雀飛狀故名

繡球花 藤生初青後白花開叢集如球近有洋繡球者枝幹極脆葉圓如小

荷錢花抽箭簇生圓如紅團

八仙花 花紫色小瓣八朵集合而成大朵葉大而香高不逾尺

丁香花 葉橢圓有光而厚花紫色或白色叢開而香

仙人掌 高一二尺純綠大如掌多刺產自熱帶本地多以盆植之

仙人球 圓如綠球四圍有稜如摺成者刺極繁密大球上贅生小球便於分

植花時突抽長筒如喇叭蒂紫瓣白不久即落多每年一開者

金銀花 花黃白相對如喇叭形初白色經二三日則變黃色黃白相映故稱
金銀花有香氣味甘花葉均可入藥

草類

稗草 窪地甚宜有水稗旱稗之別子可充食莖以飼畜及苫蓋用

錯草 一名骨節草莖內空外有堅稜入藥爲木賊又可錯木器故名

章茅 莖高五尺似竹而細可用覆屋名苫房草

靴喇草 境內北部多產之農人冬用薦靴喇內可以禦寒取暖故名

鐵掃帚 多自生於園圃中嫩苗可作蔬一本出生二三十莖勁挺可爲帚故

名

馬蘭 叢生狀如蒲而小根堅硬可爲刷子入藥名蠶寶

黎 樹 縣 志

戊編物產 卷一植物

一一

瀋陽文化興印書局排印

蒲 生池沼中根如笋可食茸入藥名蒲黃俗呼蒲棒成熟時有密毛如絨曰

蒲絨以之填枕褥有彈性葉可編作蒲墊

蘆 生於陂澤莖可作簾葺屋或爲薪用

莎 生於道旁或河灘間說文名侯莎詩云南山有臺即此莖可爲蓑笠其根

入藥曰香附

蓬 俗呼雜蓬棵秋枯則根拔隨風飛舞屬草科

蒿 田野自生類艾色青俗名青蒿

莠草 莠與穀苗同秀而不實俗稱狗尾草

蘇麻 宜於濕地莖高幾及丈葉大皮青及秋開黃花花果參半時刈之漚於

水剝其皮則爲麻用途甚廣

芸香草 禮月令注香草也葉似豌豆而細叢生夏開黃綠色花麥熟時溢香四射取貯箱篋中可驅蠹魚園圃隙地人多種之

羊草 生於野亦曰羊鬍草長尺許莖末圓勁如松針黝色油潤飼馬肥澤勝於粟豆立秋後刈而積儲經冬不變

藍 葉類蓼亦名蓼藍立秋漚其葉澄其水著石灰爲靛以作染料本境曩昔多種之近因外貨靛油逐漸輸入價廉用廣以故無種者

菸草 莖高二三尺葉大如芭蕉嫩厚有光秋後刈之曝乾爲青菸農村勞工多嗜吸之原名淡巴菰

棉花 入秋結實如桃實熟則綻裂棉出彈之爲衣絮或供紡織本境第七八區產之

戊編物產卷二

動物

禽類

鷄 家禽之一玉篇名司晨鳥村民依之以節作息雄者每依定時而鳴雌者能生卵且喜解雛其肉與卵皆可食農家多畜之

鴨 水禽類分爲家野兩種家鴨即鶩不能飛足有蹼喜游水野鴨即鳧爲候鳥之一來去皆後於雁善飛喜近水每值春秋獵者多捕之

鵝 似鴨而大性機警晝夜有所見輒鳴其聲宏大農家或利爲守夜之補助雌者亦能生卵

鷹 猛禽也一名鷲鳩性甚鷲善捕兔雉獵戶雖養調訓使以逐鳥獸一種名

黎 樹 縣 志

戊編物產 卷二動物

一三二

瀋陽文化與印書局排印

鷹子 鷹嘴稍短俗呼老鷲鷹一種名鷲似鷹而小常竄叢林中捕食小雀俗呼雀鷹子

鷓鴣 梟種之一猛禽也性甚鷲晝伏樹洞夜出捕食小鳥及蛇鼠飛時無聲又一種名角鷓鴣鳴聲怪異人厭聞之謂兆不祥性好與鷹鬥又名橫虎子俗

名貓頭鷹

雁 候鳥也似鵝而小鳴聲嘹亮飛則成行秋南春北每就沙中棲宿本境以春分北來霜降南歸爲定期

鵠 似雁而大一名天鵝又名黃鵠形頗似鶴亦曰黃鶴與雁異

鸛 水鳥之一種俗名水老鸛又一種名鷺鷥翅大脚高飛則縮頸俗呼縮頸子鳴則必雨

水鷺子 小鳥也馳行甚疾鳴則啾啾沙渚間輒見之

翡翠 水邊小鳥也就河崖穿窟爲巢雄赤曰翡雌青曰翠與魚狗同類而體略大羽毛較美麗可爲飾品一名翠雀俗呼爲菘豆雀

鵲 屬鳴禽類春時營巢開戶背太歲向太乙知來歲多風巢必卑下俗以鳴聲兆吉祥故稱喜鵲性最惡濕又謂之乾鵲

鳩 禽經拙者莫如鳩不能作巢恒借鵲棄空巢處之詩云維鵲有巢維鳩居之是也通稱斑鳩亦稱鳴鳩又名布穀穀雨後始鳴夏至後乃止其聲如呼割麥插禾故名

鶉 屬雞類形似雞雖雄性好鬥有馴養之用以相戰爲戲者俗呼爲鬥鶉鶉其實鶉與鶉同類而異種混稱一名非是

梨樹縣志

戊編物產 卷二動物

一四

瀋陽文化興印書局排印

燕 亦候鳥也喜居暖地巢於人家屋樑上捕食飛蟲領下有紫色毛者俗呼爲拙燕本境立夏始至寒露乃去

烏鴉 俗名老鴰身純黑色難辨雌雄知返哺者謂之烏一種小而腹下白不返哺者謂之鴉俗名山老鴰

鶉鴒 分爲家鶉野鶉二種家鶉棲近人家簷際專食穀類能飛善記其巢東西洋人遠行或行軍多用以寄書野鶉巢巖隙亦善飛翔食穀類

雀 一曰瓦雀時棲簷間俗呼家雀梁穀初熟及蔬菜方生時多被啄食頗爲農家害又蘇雀俗名千里紅喜食野蘇子又麻雀類家雀而大喜食老鴰眼木子又靛雀兩種以頰下分之紅曰紅靛頰藍曰藍靛頰善鳴又小雀如柳葉兒體極小俗名瞎牛眼又繡眼兒眼綠有白環腹黃灰能鳴俗名花椒子

又靛雀腰背藍黑有光鳴聲可愛土名藍靛缸體弱不易養又蒿雀多伏蒿間俗名蒿溜子又雀三道眉其眉似分三道故名是皆山間小雀本境小滿初見夏至後逐漸他去

鵓 舊志云似鵓而大灰白二色羽可製箭

臊咕咕 類似啄木色紅頂毛一簇尤艷春鳴則咕咕聲高而促喜巢樹窟墓穴中被捕放臊故名

青燕子 大如雀鷹喜巢高樹日夕飛繞村落捕食卵小而圓有紅黑斑點

鵓鵒 大如燕飛則迭起迭落行時動搖其尾俗名狗尾把點點水邊多見之

雉 一名山雞雄大雌小雄者羽毛美麗尾翎長尺許有黑橫文棲山林草叢中能急走而不善飛食穀類昆蟲肉味鮮美羽毛可作飾品人得之每以雄

黎 樹 縣 志

戊編物產 卷二動物

一五

瀋陽文化興印書局排印

雌兩贈爲禮俗呼野鷄

樹鷄 似雌雉而小出沙漠地俗呼沙鷄子

黃鶯 即黃鳥一名倉庚體小於鵓性溫和食果實鳴聲悅耳早春則見於林中亦呼黃鸝

鐵雀 雀之大者爪堅如鐵置罔覆網取之漏網者未幾復至亦鳥之義而愚者冬則羣飛入海

練鵓 似鵓而小一名帶鳥今呼拖尾把練又名大尾把練

魚鷹 又名沙鷗趾有蹼徘徊河上且飛且鳴見魚則急轉直下而捕之俗名魚郎

反舌 一名天鵲俗呼百舌又曰百靈體大於雀立春後鳴聲嘹亮善學其他

禽類之鳴立秋後則寂然人多畜爲籠禽

鷓 一名雲雀俗稱窩藍雌無羽冠名麻鷓雄有冠曰鳳頭窩藍長棲河邊沙地或平野上戾天空且飛且鳴故又名叫天

啄木 種類頗多常見者爲紅啄木背翼均黑雜以白斑頭尾有赤羽俗呼啄木冠子

戴勝 似山鵲頂有毛角如戴花故名羽多文彩美麗可觀

蠟嘴 身灰羽黑雄者黑頸雌否嘴曲而厚淡黃色如蠟故名方雨不鳴鳴則啞啞爲將晴之兆又有銅嘴錫嘴之別

畫眉 似鷹而小黃黑色其眉如畫善鳴種自南來人家有養之者

獸類

黎 樹 縣 志

戊編物產 卷二動物

一六

瀋陽文化與印書局排印

牛 反芻類之家畜軀幹健壯性馴而力强農家多畜之以助耕作其肉與乳皆爲滋養品回民多屠宰之

馬 芻食之家畜農家畜之以供耕田挽車之用當地產者惟七八區居多間亦有購自內蒙古者

驢 有二種當地產者曰大驢身材矮小力較騾馬爲弱貧農多畜之以供耕馱之用取其價廉而飼料省也一種購自山西名西驢身材俊偉而有力當地所畜牡者居多用爲配馬產騾之種

羸 俗作騾驢與馬交而生體力甚健不能生殖用任耕馱不弱於馬農家故多畜之

羊 有山羊綿羊二種境內惟七八區有牧場其餘各區皆耕作地僅少數回

民業牧畜供屠宰以營利焉

犬 俗呼爲狗守夜家獸也本境有三種一種身長足高毛色不一性馴機警故能警夜一種身偉足短俗名板橙腿善狂吠一種身小頭圓面凹視聽尤靈曰巴狗毛有類獅者爲獅子巴人多在室內畜之

豕 俗呼曰豬爲吾人肉食之大宗本地所畜有二種一頭小腹大而肥俗名荷包豬一種長嘴大耳身高大者俗呼閩豬農家無貧富皆豢養之以其滋生甚速獲利倍蓰也

貓 捕鼠獸也俗謂牡者爲郎貓牝者爲女貓多黑黃色亦間有狸花者本境滋育不繁人家恒珍視之

兔 有家野二種家兔即家鼠有黑白二色性最易馴野兔與家兔略同獵者或捕之食其肉

鼠 種類甚多本境有田鼠一名野鼠散居田野間鼯鼠即臊鼠俗名黃鼯子鼯鼠即豆鼠俗名豆觸子又家鼠花鼠止供玩戲又老鼠俗名耗子最能引疫爲人所共惡者也

狐 形似狗而略小其色青黃者曰豆青狐淡黃者曰沙狐毛色赤者曰火狐又有白狐黑狐其皮可集腋爲裘尤爲貴重品本境所見者僅少數豆青狐俗呼草狐狸是也

狸 與貓略同比貓身軀較偉毛厚而細圓目炯炯足最捷恒入村竊食雞俗名山狸子

蝟 與鼠同類異種俗名刺蝟能竊食瓜類常縮首攢足作團形捕得以筐

覆之經宿則無焉人謂其能土遁皮可入藥

寒號蟲 一云即鴟鴞狀如小雞足有肉翅夏月毛盛冬時毛脫鳴益急糞入藥即五靈脂俗呼爲寒雀

蝙蝠 爲飛行空中之小獸前後肢連尾間皆張飛膜似翼棲簷牙間晝畏日光夜出捕食蚊蠅糞名夜明砂入藥

鱗介類

鯉 本境遼河產之鱗甲金黃色水泡所產其鱗較黑僅少數人網取入市零售向無大宗出產

鯽 似鯉而短能耐久不死遼河及水泡均有之

黑魚 身短而鱗細色黑大者重有二三十斤不出深淵不易捕得

梨樹縣志

戊編物產 卷二 動物

一八

瀋陽文化與印書局排印

鮎 即詩之鰻魚全身無鱗頭大口闊背黃黑腹白色有黏質俗呼爲黏魚

鱮 俗名昂刺狀類黏頭圓口小而尾部稍寬腮下有二橫骨分青黃二色喜居深水中

鱖 長二三寸鱗細形狹腹白背青性浮善跳諸河皆有之出水即死俗呼白

漂子

鱮 狀似蛇而短鱗硬刺尾亦雙歧冬水結冰則匿泥中故名泥鰍魚

鼈 眼小口尖有裙而圓甲腹黃色散見於諸河名爲榮鼈日晴登岸曝背或向沙中產卵捕得之有重至三四斤者食法先去頭水浸經宿消除其腥血烹調乃鮮否則味有土氣甲可入藥

蚌 遼河水泡中皆有之橢圓形色黑有紋俗呼蛤蜊

蝦 河蝦與海蝦同類而小味亦稍遜本境遼河水泡所產者瘦而無肉

蛤什蟆 爲水陸兩棲之物體短上銳下廣後二足倍長於前酷類人股背純黑腹白者雄紅者雌秋末入河及來年冰解就溫水泡產卵生子即蝌蚪也一種爲蛙身青或黃背有二縱線如金伏于青草池塘鳴則聒聒有捕食者惟味不及蛤什蟆一種爲樹蛙身小而綠慣棲樹間雨後輒鳴其聲邦邦俗名邦邦狗

癩蝦蟆 體軀肥滿行動舒遲背褐色有疥磊夏令各處皆有吸食蟲蠅之屬其眉間白汁入藥曰蟾酥一種名氣鼓類癩蝦蟆而小兩頰有氣胞漲縮成聲物小而聲宏水泡多有之

水螳螂 水中甲蟲也背赤褐色形如半栗腹與足皆黑多見水泡中俗呼王
黎 樹 縣 志 戊編物產 卷二動物 一九一 瀋陽文化興印書局排印

八蟲 魚蟲 形小而紅生污水中以可飼金魚故名

昆蟲類

蟋蟀 有在家在野之異其在野者圓頭修股形似阜螽而小色黑有光澤翼短不飛而善跳躍多居黍禾田中害食植物之幼芽及莖爲農家害蟲在家者形與在野者略同色微蒼而有白花文應秋而鳴暑居庭外石砌之敗垣中或居古牆頽壁下天漸寒則移進堂屋灶畔故又名灶馬性好鬥有畜之以供遊戲者俗名趨趨

蟲螽 形類蝗屬最多詩所謂趨趨阜螽是也俗名螞蟥善跳躍常遊行田野間亦有飛行者害食禾本科植物爲農家害蟲

扁擔勾 亦蝨屬身細長色綠翅薄頭尖而口內向腹有黃漿兒童或捕而燒食之

蜻蜓 名類甚多六足四翅好飛水際交於水上附物散卵生爲水蠶化蜻蜓俗呼螞蛉能捕食蟲類爲農家益蟲

蜘蛛 有家野二種常布網空際以捕飛蟲又有屋內小蜘蛛捕蠅而食名曰喜蛛詩云蠪蛸在戶即此也

蚰蜒 體細長多足類南蜈蚣而小有黑黃綠紅四色陰溼之地有之人每防其入耳見輒殺之味甚惡嗅之頭暈

蚯蚓 禮記孟夏蚯蚓出冬至之日蚯蚓結俗呼曲蟾能鬆軟土壤爲農家益蟲白頭者可入藥

黎 樹 縣 志

戊編物產 卷二動物

二〇

瀋陽文化興印書局排印

螻蛄 即螻蛄穴土居短翅四足腹大腰細如蜂長寸餘雄者善鳴而飛雌者羽小不善飛吸風食土喜就燈光以前二足善掘地俗名地拉蛄往往害食農作物之嫩根或穿掘畦畔爲農家之一種害蟲

蜣螂 俗名屎窠螂背有堅甲翅在甲下全身黑如漆好以人畜之糞推轉成丸藏之穴中備食一種大於蜣螂三倍穿穴獨居原野間偶有之頭有一角名鐵甲將軍合竹葉煎水飲之能利小便一名推車客

蟻 種類不一俗統呼爲螞蟻一種大黑蟻長四五分黑色有光澤好羣居散遊於原野間聞人汗臭輒來相襲又慣登樹間營巢尋食一小黑蟻長二分許族大田間有之如移隴上主暴雨是善保護蚧蟲舐食其蜜者一大黃蟻長二分許族大恆穴牆下如他遷雖百步遠曳隊而行如綫或兩方往來相

值如談話然旋乃各返俗謂之尋鄉亦主雨有時結隊相鬥各有行列不憚死傷謂之蟻陣

蠅 種類亦夥有蒼蠅青蠅大麻蠅綠豆蠅狗蠅等俗名能傳染毒善亂色其聲在翼牝者腹大生蛆蛆復化爲蠅繁殖最速喜聚污穢處有害於衛生是必設法驅除之

蠱 即蚊也種類甚多好吸人血喜撲燈光天陰時結隊旋轉嗡嗡有聲其幼蟲即污水中之孑孓老則變形爲蚊喙甚銳含有毒質齧人能傳染瘧疾故爲害蟲

虻 大於蠅色黑黃不等喙利能刺人皮膚及牛馬頗苦之俗呼曰瞎虻又一種長寸許色黑以產卵器刺牛膚生嗡嗡類螞蟥春初生翼飛出則爲虻今牛

黎 樹 縣 志

戊編物產 卷二動物

二二

瀋陽文化興印書局排印

馬身上夏日每有出紫黑色之血液處曰嘓眼即此也有害人畜多矣故爲害蟲之一

螢 今名螢火蟲生於卑濕之地至夜有光故名本地稀見之能捕食蟲類益蟲也

天牛 甲蟲也長寸許紅頸身黑如漆觸角甚長有惡臭多見於桃杏樹間俗名樹牛子又害食植物之莖害蟲也

蜉蝣 長可六七分四翅尾有毛如絲夏秋之交近水而飛朝生暮死今人謂人生易老有如蜉蝣然

蝶 爲蝸蠶烏蠟等所化而成體小有四翅甚大好飛集花間遺黃色小卵於莖葉上成蛹後始化爲蝶種類甚多形色不一春夏初見者多白色秋後多

黃紅色其幼蟲害食植物之葉亦害蟲也

蟬 書中多有此蟲一名蠹魚

蛾 凡草木蟲以蛹化蛾者皆是形色不一每於夜時飛出喜撲燈光俗統呼曰蛾

害菜蟲 長寸許色青俗稱青蟲一種形小色黃善跳嗜食嫩葉俗名地絡蚤一種名地蛆長三分許多橫文潛伏土中專食菘芥根爲蠅類幼蟲

害果蟲 一甲蟲類大如元豆之半朱黃色兼黑斑點俗名放牛小果爲所食則生疤痕細長有橫文一種形類蚊腹大而喙長吸取果內甜汁疤痕小而圓又果蒂有殘瓣者蛾類喜就產卵化蟲入爲蠹故欲獲佳果須先去殘瓣以防之

黎 樹 縣 志

戊編物產 卷二動物

一一一

瀋陽文化興印書局排印

害稼蟲 一螟蟲長八九分背黃色有黑縱線食穀稻葉天旱則生一捲蟲色青而小食葉復吐絲裹之使穗不得展詩云去其螟螣即此一密蟲原名蚜蟲體微若蝨有綠赭黑諸色吸嫩芽新葉汁液由肛門排蜜引蟻聚食禾葉遂枯萎一油蟲較蚜蟲尤小夏旱則生散布禾稼葉間如油膩使禾不茂經暴雨則却一蝸蟲背灰腹白多輪文嚼節輒斷按食根曰蝨食節曰蝨蝸即蟹也一穿蟲長寸許色紅嘴堅銳喜食根禾因以枯一種體長二三分頭黑腹紅背有黑毛旱時禾葉間多有之名蜜狗爲農家之害蟲

屁蟲 甲蟲之屬形橢色黃有黑斑點多見草間觸之尾部有聲發臭氣故名蜚蠊 俗名蟑螂爲厨灶間之害蟲體扁平赤褐色小者喜就溫處羣聚夜擾人睡嚙肌膚輒破一種長六七分頸有白蚊兩翅輪體每藏伏高處如夜出

羣飛知天將雨

蚤 形小色黑善跳慣入衣被中吸人血液夏月生於濕地亦名貉蚤鼠身多有之茄科幼稚最患其害

毛蟲 一種大如柞蠶毛長而黑老榆皴皮上多有之俗呼爲貼樹皮一種長寸許毛黃近頭部兩叢如角榆柳間有之一種色灰毛短背有黑縱文果樹多有之初生枝冒白絲密於蛛網羣蟲團聚其上稍大散食樹葉作小白繭化飛蛾一種長三四分背毛黃紅相兼叢生頭部二叢尤高出如角秋涼就木枝爲小繭極堅狀如雀卵春時破殼而出毛刺螫人俗名羊刺子

屈步蟲 長寸許色綠或灰不等行時腰穹隆上屈一步一屈若布指向前量物然俗呼量天尺有時縋柳枝而下又如蛛之吐絲然垂地不絕果園柳林多有之

黎樹縣志

戊編物產 卷二動物

一一二

瀋陽文化興印書局排印

蝨 爲人體之寄生蟲而雞豚亦有之人常沐浴則不生蝨

聖蟲 亦曰牀蝨城鄉家居多有之晝伏暗處夜出吸人血液腹有臭汁俗謂之臭蟲遇寒則蟄遇暖甦生不易除也

蠶 蠶有多種食葉不同而形亦異本境氣溫稍低無專育之者學校爲作業試驗或飼養之然止家蠶一種雖食桑葉但能產出絹絲而已是爲益蟲

蜂 爾雅翼云蜂類至多其黃色細腰者謂之穉蜂其色黃而黑大如螻蛄齧木屑作窩居樹竅中曰木蜂俗名大麻蜂其色黑微黃穴牆土作窩毒螫牛馬曰土蜂俗名地雷蜂其居草中比他蜂差小名草蜂慣螫牛馬皮內即生螞明春由螞仍出此蜂蓋藉牲血肉生子其在房簷下齧紙作窩似蓮蓬倒

垂數十爲羣者名黃蜂其負蜘蛛附草木及銜土作房者名細腰蜂凡此尾端皆有刺螫人均害蟲也惟釀蜜之蜂比青蠅微大取而養之蜂有王爲衆蜂之長一日兩出而聚鳴號爲兩衙有採花者有取水者歸則少歇如採無所得則經宿不敢歸房皆秩然有序是爲有益之物本邑向無蜜蜂近苗圃以試驗爲目的曾贈少數養之以俟觀厥成效

螳螂 月令仲夏螳螂生色灰或綠不等頭三角形複眼高突後腹大前胸延長如頸其前二肢形若鎌刀故俗名刀螂能捕食蟲類益蟲也及秋產卵附木枝作房如指頭大名螻蛸產於桑者可入藥

蝸蠃 身綠有翅腹下灰色後二股長善跳常居豆葉間其雌者不鳴有產卵管扁長如刀鳴者爲雄聲清越兒童捕得之養以籠飼以倭瓜花掛簷前鳴

黎樹縣志

戊編物產 卷二動物

二四

瀋陽文化與印書局排印

聲不輟又有一種大於蝸蠃色灰翅短後腹有黑橫文尾長如刀喙堅硬嚙手輒破其聲蠶而短俗名三叫驢

螻 長寸許首赤尾黑以背滾行至速糞土中多有之

蠓 飛蟲狀如綠豆蠅稍大有黃灰等色腹半透明口有管狀器嚙人及牛馬吸血液果其腹俗名瞎眼蠓又背陰無風之空中有微小飛蟲成羣相結如團上下亂舞不定俗名蠓蟲常爲蛛網所罨

壁錢 蟲名蜘蛛類體扁平黑褐色作巢壁上大如錢故名其巢光白如繭俗稱壁螻

水蛭 又名螞挑係蠕行動物環蟲類水泡多有之長至二寸許色黑無足行時騰水蜿蜒若蛇口最利慣附人畜肌膚吮血

水黽 屬節肢動物昆蟲類黑褐色狹細前翅革質六足浮行水面而體不濡
俗名糖螂子又名水螞蟥

蛇 本境僅有土蛇一種黃色穴棲草野間人少見之俗名長蟲

蜥蜴 體長二三寸背淺灰色腹白四短足田野間有之聞人足音突奔數尺
乃伏斷其尾尾久跳不死俗名馬蛇子

戊編物產卷三

礦產

梨樹係屬平原向未發現礦產僅一區偏臉城東出白色土當地農人由溝內挖取以水溶化作爲搗起油漬或代米豆粉面漿洗衣襪之用不可以作磁料也此項白土礦苗甚細究竟產量若干尙待考究

再二區小紅咀村農戶曹潤德家鑿井深及三丈二寸發現煤質提供專家查驗據稱煤質極輕較千金寨煤稍次與西安煤相等有商人李佐廷商洽地主擬即報領未及舉辦因事變中止

梨樹縣志勘誤表

類別	卷次	頁數	行數	數字	數	誤	正
戊編物產	卷一植物	七	一八	四	藥		境
物產	卷一植物	八	二〇	四	上		土
物產	卷一植物	一〇	九	一五	托		朶
物產	卷二動物	一三	一四	二三	門		鬪
物產	卷二動物	一四	九	一二	門		鬪
物產	卷二動物	一四	九	二七	門		鬪
物產	卷二動物	一七	二	九	獸		畜
物產	卷二動物	一九	一七	二六	門		鬪
物產	卷二動物	二四	五	八	贈		購

梨樹縣志

勘誤表

黎樹縣志已編

藝文

考漢書載有藝文志一篇而後世之纂修邑乘者志天時志地理志人事志物產凡邑境所有之各種事蹟靡不編輯而記載之若於藝文獨無志焉豈不留遺憾乎黎邑開墾已百餘年厥初文翰固無可徵自光緒初年設治以來諸多建設紀時敘事不無可稽之文因搜羅近今之作並撫拾舊志中有關於設施之事實者均權錄之庶俾後之人有所考證焉志藝文

黎樹縣志

已編藝文

一
潘陽文化興印書局排印

已編藝文卷一

雜著

新建奉化縣署記

知奉化縣事錢開震誌

梨樹城爲蒙古達爾罕王分藩地舊設照磨分司巡緝幅員遼濶防範難周內地亡命恃塞外爲逋逃淵藪往往萑苻聚處爲患閭閻

朝廷洞悉其弊

特簡刑部尙書崇公留守

陪都公以發祥重地根本所關統籌全局力剔宿弊疏陳昌圖所轄地廣民頑非設親民之官不足以資化理非籌長久以費不足之供度支建議開辦河稅斗稅以爲增設官弁之需疏既上

梨樹縣志

已編藝文 卷一 雜著

一 瀋陽文化興印書局排印

制曰可光緒三年十月復經宮保崇公奏定改設縣治九社屬焉所以廣治化重事權綏邊陲柔遠服也余自去春奉檄承乏斯土爰假照磨舊署暫資辦公屋宇狹隘勢不能無改作先是議修衙署監獄各款奏准由斗稅項下動撥限於存款無多從減估計繪圖上詳因購民地數段陷者平之缺者補之繚以垣牆周圍一百六十八丈規畫既定鳩工庀材擇書吏之賢者襄其事經始於五年四月登登馮馮百堵皆作由照壁而儀門由儀門而迴廊中爲公堂次爲官廨旁爲賓館後爲燕室其餘次第興修規模具備惟期堅固不尙塗華西南隅爲監獄砌以石覆以瓦堅其壁厚其墉昭慎重也工既竣吏請記其事以勒石余慨然曰凡事之艱於創始者皆人之好爲責備也嘗見締造之初大都心力交瘁而後之觀厥成者恒不免吹毛求疵之論絕不作設身處地之思所謂責

人明而責已昧者非耶况以支絀之官款興煩費之工程稍涉虛糜是爲負國稍征力役是爲病民即使躬習勤勞力加樽節或視守官爲傳舍或因築室而道謀苟且目前因循時日余雖不才義不出此第奉邑僻處邊隅採辦木石甄灰動出數十里外載運非易耗費良多賴九社中之慕義者牽車服勞往來於道斯役告成與有力焉余綜理經費量入爲出弗糜國計弗累民生有所不足自捐廉俸吏體斯意亦各捐貲有差如閻勝春李敏路永慶李尙志趙華堂張書紳皆始終不倦者也因約其文以鐫石用告後之君子

大清光緒五年十月穀旦立

創建龍火神廟碑記

覺羅春 壺 撰
福 徵 書

蓋聞昭昭在上惟神佑民者如影隨形肫肫其仁作善降祥者若合符節況菽

黎 樹 縣 志

已編 卷一 雜著

二

瀋陽文化與印書局排印

粟爲三農之本而水火綜五行之精溯查買賣街自設立分防昭磨以來迄今三十年有餘此三十年中生齒日以繁蓋藏日以富糴糶日以雲集攘攘而往熙熙而來何方俗之近古歟抑人心之渾噩也且習無狙詐士農則履中蹈和里尙敦龐商賈則輕財好義於焉慈祥之意流露於崇敬神明矣因之建關帝廟於街右巍巍赫赫威靈震攝乎黎城立城隍祠於署旁善善惡惡鑒查徧周於草野東街有財神廟錫比戶以富有而日有西則有娘娘殿佑羣庶以大生而廣生至藥王酒僊均有專祠惟龍 火 神僅同七聖共塑一龕似未足以昭誠敬今徵等公同酌議即關帝廟舊有神位處所創建大殿三間專爲供奉併虔塑觀音菩薩聖像於其中庶溥被慈床咸蒙庇佑爰擇吉興修鳩工購料需用甚夥支應匪輕乃重賴遠近信官善士踴躍樂施共臻完璧一時殿宇維新聖像

莊嚴矣此固仰荷神靈之默佑亦實衆力之有以贊襄也茲當工竣用勒碑銘以垂久遠而今而後南阡北陌藉離德之昭明東作西成沐坎宮之潤澤年豐物阜人傑地靈後之人羣相觀感而興起焉豈僅誇美於一時云爾
咸豐九年歲次己未九月吉立

創建文廟碑

濡陽陳文焯

自古先王興建學校法制綦詳非胥天下而煩苦之修道育德凡以順人心之自然所性之同然而已矣四代之學極其美盛漢唐後或既其實而制未備或制大備而實弗存延延綿綿數千年來無論世之盛衰俗之淳漓地之遐邇而遵聖翼教之典乍晦乍明輒留於人心而不能以去方今聖天子昌明正學凡直省各郡縣以及山陬海澨皆得立學而又厚廩糈以贍其養選師儒必備其

黎樹縣志

己編 卷一 雜著

三一

瀋陽文化與印書局排印

官允能超越前古造就多士而可以取驗人心者也奉化舊名黎城本蒙古達爾罕王分藩地近百餘年蒙民雜居日以蕃大光緒初當事諸鉅公先後奏奉諭旨設縣治凡所以綏邊陲宣德化者皆籌欸次第舉行越明年庀材擇地修建學宮是年來官斯土者爲大令錢君開震學博趙君萬泰少尹任君鳳林皆能始終襄理其事並各出祿賜以助而趙君則自以司鐸是鄉尤宜克勤厥職乃於嚴寒盛暑躬率紳耆感以至誠詳其鉅制心力交瘁而致疾焉紳士李君遇春則又以備極憂勞而病以歿矣士以外凡居是邑者降而至賈遷之徒皆奔走樂輸而慕斯義以補不足故殿廡門橋巍煥並舉堂堂齋寢庖馭之所皆完蓋其工之創而備費之艱而鉅如此嗚呼以窮邊瘠苦之地叢雜安插渺不相聯屬之人一旦提倡風教乃羣然各急其事爭奉以資夫非同然之理不昧

於本心之所爲而誰爲之歟故余弗辭僭妄而樂詳其美是役也始於光緒五年四月落成於六年八月廟趾南北凡四十丈東西十有二丈學署牆寬與廟稱長則三十丈備誌之謹始也

創建明倫堂記

訓導趙萬泰

聞之德大稱師修道謂教師以道重道莫大於綱常教以師傅師兼統夫庠序蓋自三代以來建學皆以明倫立教先以育德而後世典學之職凡以明倫顏其堂所由昉也我國家以孝治天下惇敘彝倫雖異俗殊方亦一視同仁未之或外興學右文遠邁前古何其盛歟奉邑僻處邊塞界屬蒙疆等洪荒之甫平值規模之初創朝廷推恩錫類恐蒸民旣粒倫紀或虧未格鶚音有妨盛治特命大吏籌款建學宮設學署以明禮樂以興賢能蓋大有造於斯土也一時縣

黎樹縣志

己編卷一雜著

四

瀋陽文化與印書局排印

尹錢公少尉任公率閭境紳耆畫基構地鳩工庀材爰啓聖宇爰立講堂雖萬之碌碌以忝任司鐸亦相與從事恐後焉堂外立學門儀門左右公所各三楹分列堂下備體制也堂之後廳事五楹東西齋各三楹凡諸生肄業與官師考課以及燕寢之地亦畧備是役也經始於光緒五年季春落成於冬之十月譬諸平地爲山衆力克協然後告厥成功近聖人之居賢關用闢拜天子之賜髦士登庸宏我漢京勗爾士庶尙其顧名思義無忝倫理勉爲菁英庶以答上之恩德如此其宏且遠也尤願與後之秉鐸茲土者務飭廉隅爲多士先方無愧斯堂之坐云是爲記

泮水文泉記

前人

昔炎漢興以火德王而火瑞見蜀郡中有火井焉晝則空洞蒸煥夜則光氣上

騰嗣漢室浸衰火亦漸即微弱至諸葛武侯相昭烈治蜀漢臨井偶觀而井火復作作有芒說者謂五行之祥待人而發火固如是水亦有然今徵諸奉邑泮宮則此說益信奉化學宮創建於光緒己卯殿廡既成議於大成門外修立泮池橋座以存壁圓泮半之義遂畫基工作掘地鑿數尺忽翼然於橋之東西雙泉湧出予方偕紳耆督工共相歡騰歎異指爲休徵唯是涌涌漏漏皆涌自浪而池橋基趾固難立焉暫權精衛之技以爲工竣復啓不難也詎意時當冬令邊地沍寒刻期而成者料則實而工則未堅越明年春融凍解泮壁全頽因事修整橋泮俱復舊觀而泉源竟涸再加搜淘渺不可得矣意者如火井之於蜀俟英哲輩出息深深達壘壘蓄之久而發彌光歟爰登治泉之故處以誌盛蹟而跋厚望云

黎樹縣志

己編藝文 卷一雜著

五

瀋陽文化興印書局排印

創建三公祠碑

北平郭桂森

凡人履順安常莫不以忠義自負一旦禍患猝投非托於明哲保身即緩死須臾冀彌縫於異日故夫見危授命之事每成於夙不及料之人如本境殉難三公者良可慨焉同治二年十月間逆首滾地雷王五等糾衆倡亂至五六百人之多由長春廳竄至邑之榆樹台地方沿途劫掠當事者莫敢誰何此間適有委員佐領慶公吉防禦文公楷會同照磨徐公棠統帶兵勇百餘名慨然往捕於是月十二日與賊接仗身先士卒奮力攻擊鏖戰四時之久身受重傷猶復裹創督戰旋因兵單賊衆力竭陣亡而賊鋒亦從此大挫矣因怒且恨焚燬其尸以致肢骸不全軍尹憲憫其死節之慘奏奉諭旨飭部議卹紳商人等復感慟忠魂追思不已同願捐資於死事地方建立官弁專祠以昭忠義赴省呈懇

復蒙軍尹憲具奏奉旨俞允聞命自天感恩無地即於六年四月二十六日庀材鳩工擇地構宇建正室三楹（饗堂二間東西廊房六間）祠門一間繚牆垣列便門於東西落成之後供奉三公神位於饗堂陣亡兵勇從旁附列凡各社紳商士庶咸來祭告楮帛盈阡哭聲振野嗚呼三公慘矣三公報國愛民之心從以不朽矣爰爲之誄曰天未厭亂醜類跳梁三公奮勇除暴安良公毗既裂賊燄猶張兵單援絕力竭陣亡天心震悼錫詔褒揚羣情感戴俎豆馨香生也曷愧死而彌光精靈不爽衛我邊疆痛公忠愍涕泗徬徨貞珉用勒永矢弗忘

重修三公祠記

署知縣張雲蕃

祠於同治三年奉旨準建六年告成資由商民集捐彼時蕃署照磨親與其事光緒四年改爲縣治九年春蕃來攝斯篆下車瞻禮週視祠宇山門牆垣均已

黎樹縣志

己編藝文 卷一雜著

六

瀋陽文化與印書局排印

傾圮臞裂瓦片脫落不勝感慨久之緣爲民事倥傯未遑議及歷夏霖雨剝蝕殘敗益甚若不及時葺治再數年將不可收拾終歸廢墜其何以重祀典而慰英靈蕃既庖代是邦責無旁貸且曾倡之於前尤不可膜視於後爰命工匠核實勘估計需工料市錢貳仟肆佰吊因念爲數匪鉅未便復累商民即捐俸舉之當擇吉於七月二十二日開工至九月初六日葺事拆砌修補一律完固塋綵黝繪輝煥如新並因春秋祭品無出久廢不行又另捐市錢陸百吊發商行息備用從此時享有資庶無負朝廷褒忠賜卹之至意工既竣敬跋數語以誌巔末云

創修太平橋碑

山左張鈍夫撰

蓋聞天下事有其舉之莫敢廢也況事之易因爲創利益無窮而謂可以竟忘

所自乎黎城三棵樹屯爲四達通衢而昭蘇河適當其衝昔有草橋以通往來
乃風雨摧殘車馬蹂躪日久月長漸就傾圮邑之人每欲舍舊圖新以便行旅
蓋有志而未逮也適邑尊張公循行原野偶經其所親見頽敗不勝惻然爰召
父老謀爲改建木質用垂久遠而功程浩大所費實鉅洵非一手一足之所能
支幸賴四方仁人君子咸感張公德意遂各樂善好施以共濟其美於是鳩工
庀材朝夕詢謀不數月而功成矣無論居者行者莫不懽欣鼓舞視如坦途而
張公再來殷然色喜名之曰太平誌盛也復徘徊瞻顧不能以去蓋其意更有
深焉者夫世事不患於難成而患於難繼作者經營備極儻後之人弁髦棄之
則利益不過僅及一時而所濟無幾允非作者之本懷也乃示余筆爲之記用
泐石以告於後余雖不文遂感此而誌其巔末云時在咸豐建元春三月

黎樹縣志

己編藝文 卷一雜著

七

瀋陽文化興印書局排印

前調任盛京軍憲工部堂憲曉諭邊民開墾事宜告示

欽差

吉林盛京工部侍郎署理刑部侍郎事務

富齡

爲剴切曉諭墾荒佃戶各宜凜遵

共安生業事本將軍侍郎欽遵諭旨查辦達爾罕王旗招民墾荒一事歷查原
卷內嘉慶二十二年理藩院僅據鄂勒貝勒呈稱游牧處皆係閑荒之語不爲
詳查即行入奏至將蒙古墳垣及開種多年之地概行報佃甚至有土著蒙古
逐遷他處者查游牧閑荒報佃取租原爲有益於衆蒙古起見今反騷擾作踐
以致衆蒙古紛紛具控經該盟長印文呈報盛京將軍衙門本將軍侍郎除將
辦理不善之鄂王達爾罕王等另行參辦外合亟剴切曉諭示仰佃種達爾罕
王旗閑荒民人等知悉現在本將軍侍郎委員前詣荒界會同蒙古王公詳細
履勘所有荒內蒙古等原有之村屯墳墓熟地樹木仍還蒙古原人其餘閑荒

除沙窪水向不堪耕種之地外按時有憑據過給銀數多寡均勻分給各攬頭佃戶承領凡出過銀兩佃戶等均應聽官查丈另行按名指給地段承領墾種各安生業不得仍前恃已出銀強霸佔種自罹法網示後倘有不遵定即拘拿嚴究從重治罪決不寬貸凜之慎之毋違特示

前銜

富

爲訓切曉諭各佃戶遵照永遠安業事照得爾民聞得邊外蒙古招民

開地是以紛紛前來無如蒙古勸辦未能妥立章程明白示諭以致衆民無所認承不得不找攬頭查各攬頭多係趨利若鶩之徒鑽營謀幹許給蒙古銀兩認領荒地不論响畝惟以里數爲段鯨吞到手然後輾轉愚爾衆佃只圖多收押荒銀兩重複指給以致爾等互相爭控既控到官原應聽候官爲剖斷何得私行強奪毆打甚至釀成人命國法具在不能不按法究治拘審拖累廢時失

黎樹縣志

己編藝文卷一雜著

八

瀋陽文化與印書局排印

業爾等何愚至此試思爾等原爲領種地畝養贍身家而今未得地益先受苦累情實堪憐是皆不肖之攬頭只圖肥己欺愚蒙民所致於中侵食之數不少各攬頭外欺蒙古內愚衆佃是皇上施恩蒙古之地反爲各攬頭漁利之藪良心何在今本將軍侍郎奉命審辦此案查悉前情殊堪痛恨大凡討便宜無不吃虧趨利者罔不受害各攬頭所給蒙古王公銀兩或係借用鋪商或收之佃戶准即帶領鋪商佃戶赴局填領執照如領地之外尙有多交銀兩者再計年租抵楚仍不得攬種多地今與蒙古王公商立公益地局刻有蒙古漢字執照無論何處民人新陳攬頭佃戶有願領地者到公益局請領執照每人只許認領三十响不得過數如有戶繁口多不妨父子弟兄各領一分足資耕種過度每响議定押荒銀一兩其前已交攬頭銀兩有據者令攬頭帶赴地局寫給領

地執照作爲蒙古王公抵還攬頭欠項爾等不必再交押荒銀兩自領地之日起第五年納租每晌交租小數錢二千三百文小租錢一百文作爲局用盤費如無公益局執照一概不准種地如此蒙古民人兩有裨益並免日後輾轉報佃押租銀地兩空致滋爭端興訟有害生計各宜凜遵毋違特諭

半園記

陳文焯

予生鮮兄弟自傷孤恃久矣而半世學業多得半輒止即求區區科名亦倦於從事若半途廢然返故嘗自號半夫予妹婿范陽鹿杏儕亦號半人每相與稱同調焉歲甲申予重遊黎城安硯於署之西南隅船房時當半夏書室前僅半弓地半栽花半種木插籬移石不數日盆池竹樹間苔蘚半生綠映戶牖翳然翦然儼乎其園也及門錢生請以園名予告之曰有半夫駐此應名半園且而

黎樹縣志

己編藝文 卷一雜著

九

瀋陽文化與印書局排印

晝長吟罷抽半刻暇偕童輩汲水灌花半以避喧囂半以節勞逸予則勞人草草形神枯槁如樹半空將對此半忘憂半覓句亦客旅中強半之樂境也不亦善乎夫半之時義以大矣少食半飯不致病少說半話不取禍少折半腰可以自足可以自強爾等解乎此誠於讀書做人之道思過半矣半云乎哉因爲之記

三公祠

錢開震

久仰三公義氣橫予生晚未識奇英而今捧檄來斯土展拜崇祠與有榮聞說當年膽氣豪天教小醜屈龍韜同仇敵愾身先卒青史留名荷寵褒

三公祠

趙萬泰

嗟予來何晚未覩三公面三公今已矣廟貌聳郊甸公等在當時忠直心如箭

大義要同伸安計常與變狂虜據榆台背城拚一戰義旅僅百人叱咤風雲煽
賊衆肆惡氛張勢疾奔電鏖戰日夕斜我軍失利便慘慘起陰風赤幟化白鍊
將軍忽斷頭衆卒睜目眩慷慨誓死時模糊血一片我來弔忠魂瞻拜謹登薦
手掘庭中碑留作三公傳

前題

高嘉和

三公祠裏香煙直廟貌千秋長血食忠魂凜凜鎮巖疆高名足壯河山色春風
吹滿梨樹城千樹萬樹梨花白記昔三公同將兵大將素著能軍名小醜跳梁
敢爾爾鐵騎突出刀槍鳴殺氣彌漫陣雲黑賊勢猖狂滅不得俯首受降臣恥
爲奮身那顧全軍墨大義能明死亦良何知後代薦馨香至今血染沙場上草
木猶生邊塞光

此地今產蘿蔔極紅且大與他處異

睢陽張許烈在前不謂後來居上焉安得昌

梨樹縣志

己編藝文卷一雜著

一〇

瀋陽文化與印書局排印

黎大手筆重來勒石登燕然

馮孝子

陳文焯

小人唯有母萬事鴻毛輕流離去鄉井奉母潛以行不知里幾許來此梨樹城
城東瑞祥社偶駐閒雲程一身無長物歌板迎風清朝朝出行乞暮返爲窟營
甘脆跪奉母自煮藜藿羹陶然性天樂不羨簪與纓無何母遭疾二豎身爲櫻
中宵忽長逝血淚相交并哀號神鬼哭破牖真氣驚母葬身反累母死兒何生
違母竟五日尋母來九京但知反哺意那計浮世名我聞馮某事感嘆吁長聲
僭作孝子傳激勵薄俗情悲歌復不已自謂音錚錚任爾百世下箕踞恣高評

姜烈夫

陳文焯

郎君之命薄如紙妾心瑩瑩古井水三歲爲婦即百年何用柏舟詠天只既得

同年同月同日生願即同年同月同日死夫子既蓋棺家人哭不止默默獨無
言出門色轉喜紅綃數尺慘無情畢命中宵忽長已小別刹那奚足悲依然婦
隨夫唱黃泉裏時皇道光二十有五載殘秋九月一日是王郎之字曰煦田烈
婦母家姓姜氏世間節烈累萬千安得奇絕有如此敢告輜軒使者莫誤載筆
隨不可無一不能有二矣

苗烈婦

高嘉和

秋雲黯淡秋風涼秋氣蕭條秋夜長深閨寂寂夜無語何處狂且太不良尋花
破戶逞豪粗闌房驀地走狼樞豈識瓊枝特高絕不教毀折如樵蘇大呼有賊
婦驚寤狂賊計窮恣奮怒手掣霜鋒嚇以威弱質何能終牴牾拚將一死報夫
郎洞腑穿胸不返顧爭如惡夢頃刻間角枕錦衾翻血污斜月猶能照屋梁一
縷幽魂何處訴吁嗟乎妾命薄妾心堅身不可辱身可捐甯爲玉碎不作瓦全
至今九重嘉慘烈錫以馨香永無缺女貞花發梨樹城香土一抔埋碧血君不
見纍纍三尺長留天地間煙荒露草猶清潔

快哉行爲某甲作

事蹟見舊志
雜錄

陳文焯

一笑天地驚此樂未曾有友人爲我言村民昔某甲某夫送婦歸甯抱布郊原走
荒烟露草間盜賊踞淵藪夫婦方唱隨賊乃出其後挺刃嚇以威遇窮敢弗受
衣飾與筐籠一一恣搜取剝婦僅餘褲賊猶不放手凶狠淫暴行直欲露其醜
弱婦方哀鳴賊馬忽狂吼馬馳賊不顛足挂倒懸首羣賊狐兔奔人乃脫虎口
巧哉造物心頃刻除惡莠賊未及殺人殺賊乃不苟留於塵世間榜樣足不朽
塞北喧異聞記者燕南叟後人讀此篇宜作掃愁帚

黎樹縣志

己編藝文卷一雜著

一一

瀋陽文化與印書局排印

昭蘇城

錢開震

訪到昭蘇信莫疑山前賴有古城基長河滾滾今猶在水不能言亦自知

前題

孟松喬

昭蘇訪古望天涯指點雲中三兩家老樹杈桠經歲月殘碑沒滅雜烟霞蟠龍踞虎山頭石蒙宋迷金塞上沙下有長河流不盡誰將白水紀年華

前題

雲廣盛

十里斜陽賸古城昭蘇依舊溯芳名雲中老樹枝全竦山下殘碑字欲平浩浩長河春水湧沈沈寒寺曉鐘鳴臥龍躍馬終何用猶說金遼十萬兵

重建城隍廟碑記

山東高密孫肅方撰

黎城塞外之名區也北亘峻嶺南繞清流覽堪輿之雄勝仰辰極之輝光瞻廟

黎樹縣志

己編藝文 卷一雜著

一一一

瀋陽文化興印書局排印

貌之巍峩懷神威之明赫則有城隍廟位乎其中焉歲逾數紀兵燹頻驚古壁日蝕法像塵封倘更遲延數年牆屋不修非惟無以對神明肅觀瞻也將使風雨聲中滴殘雁鴻之畫筆荆棘叢裏愁看狐鼠之憑城殆與秦碑磨滅魯殿荒蕪古蹟斜陽同深感慨也己是用諏吉重修鳩工再造高其堂宇附兩楹而鳳彩飛空厚其址基奠四維而鼇背立極無楹不丹無角不刻壁如山立屏若雲羅雖歷千百年材無慮乎蠹之朽牆奚患乎鼠之穿也哉方其經營伊始獨力難支繼述於後衆志有成爰卜於龜爰詢於衆神人協吉遠近從風一木一椽登諸簿措之咸宜寸石寸瓦舍諸宮用之不竭端賴倡善之人尤藉主持之力是役也圓真萌其意明璽任其鉅昭宗要其成衣鉢之善傳也有智者出謀有士者輸財有人者勞力檀那之善施也集此衆善而浩大之功成焉觀斯廟也

一堂斗懸兩廊星拱藻繪彩絢黝聖光生燈影香煙之餘祥雲捧出彰善癉惡之地迅電疾馳宏模再峙瑞兆重開人知奉法聖朝之憲典炳如日星神亦效靈下土之監觀朗若冰鑑由是而陰鷲明昭陽教畫一幽贊之功協修之力所係豈淺鮮哉

光緒癸巳年荷月穀旦

地藏寺碑文

直隸撫寧生員陳應麟

今日地藏大士之廟宇乃昔日照磨衙署之舊基也自署移於街其地廢而不用道光十八年六月間我縣尊魯峯張公奉檄到任觀風閱境見其地荒蕪無主囚墓藉藏觸目驚心因向一時之父老面言曰此地宜建積骨寺一座庶有廟有僧可以妥遊魂而戒不虞也次年即有僧人戒寬自携資斧謀及鄉士創

黎樹縣志

己編藝文 卷一雜著

一三

瀋陽文化興印書局排印

建草房兩間棲身自修張公聞之甚悅欲爲倡善之舉不惜捐資之費並建瓦房三間內修地藏大士神像兩尊以爲廟主傍修藥王武土地大仙神像各一尊而僧人戒寬即爲寺廟之主持朝夕奉祀焉然內有廟宇外乏牆垣可以妥靈爽無以肅觀瞻也爰有董事會首玉成善事募化街中商民資財於道光二十二年八月內又建立禪房三間周圍牆垣數十丈而是廟規模遂得內外肅然爲黎城一勝觀焉夫積骨者何謂是地屬邊隅五方之遊民雜集一有不祿豈能即返囚墓所託關係重大有是廟而香火常新可以勸生者之善有是廟而囚靈有警可以保死者之安則是廟之成也謂非禮之至當而事之至善者當不其然是爲序

道光二十四年歲次甲辰四月望日

黎樹縣重修孔聖廟碑文

伊通齊耀琳撰

黎樹縣之有聖廟舊矣粵在光緒初年於昌圖府東北邊柵蒙古達爾罕王旗地置奉化縣而崇建至聖廟以重敦化善俗之務越今垂四十年中經變政改縣名爲黎樹而廟乃陲陔弗修識者憾焉縣人歐君暑春許君靖藩首建興復之議縣之賢令與士紳之明達者咸贊成之官割其俸紳捐其財集款有成工廼興作若大成殿若崇聖祠若東西兩廡若櫺星門咸斥其舊而更新焉又增修名宦鄉賢節孝四祠以附祀焉締構堅貞丹雘宏麗落成之日祀典聿崇盛矣哉歐君函囑耀琳爲文以紀其事耀琳舊在史官學於聖人之徒粗明聖人之道敢不祇若乃拜手而言曰惟聖人之道上與天並不可階而升也載籍以來由其道而興背其道而亡者不可勝數也其道精深廣大誠未易言然約其

黎樹縣志

己編藝文 卷一 雜著

一四

瀋陽文化興印書局排印

旨歸所以範世者不外乎中庸之德所持以盡已而及物者不外乎忠恕之理皆常道也後世以爲中庸之德不足以驚世而取名也則務爲索隱行怪以求勝又以忠恕之理無以逞欲而使其私也則倡爲權利競爭之說以自快一切盡反乎常道而大亂以興亂極而求治亦惟在人人反本力行乎聖人之常道而已黎樹地本邊塞風尙渾樸近則鐵軌經行漸臻繁盛靡俗濡染懼有不能葆其初者聖廟之興復非徒侈寫弈飾觀瞻已也其必崇奉聖訓光昭治本致風俗於醇懿而後誌祀爲不虛耳既述興作之始末更作銘曰

於穆聖師垂教無疆厥有彝訓治世永臧理本簡易道在經常何期澆暮習爲譎張滄流蕩紀陟降心傷人思撥亂聖念戢狂聿修新宇儼遇羹牆濟濟邦彥

景緬咸昌

鮮令俊英德政碑

邑文庠生李桂璠撰

聞治國經邦安內攘外者則必責成郡邑而任良吏然文勝則難治軍武勝則難理民剛勝則易激變柔勝則易損威欲求一文武並用剛柔相濟者難乎其
人今於我縣尊鮮公得之焉公密雲縣人祖父兄弟皆任仕職爲一邑望族幼
而成名壯而報國初投筆以從戎下馬露佈繼計功而握篆玉壺冰清當中外
構兵閭騷動盜賊劫掠於西北俄人蹂躪於東南宇宙茫茫乾坤擾擾我奉
化數百里之土地數十萬之人民危哉危哉公則卻穀之將中軍敦詩說禮祭
遵之號征虜雅歌投壺名士風流諸葛君綸巾羽扇儒生面目楊叔子緩帶輕
裘不煩野戰日越懼死以來奔更爲王人廷光感涕而相率開恢宏之大度爰
立義軍展駕馭之長材悉成勁旅也迨俄人長驅直入放膽橫行值草木皆兵
之日正風鶴驚心之時其剛也耶既恐不能制勝其柔也耶猶恐易於貽羞公
則熟悉中外情形深諳交涉事務敬禮俄員無非羈縻之術犒賞洋隊要皆籠
絡之方修築代募車徒野外之耕耘自若飲食預遺畜類民間之雞犬無驚法
博望之柔而參以剛效定遠之剛而加以柔虞詡龔遂實堪比其謀略文翁黃
霸亦可媲其循良此所以保城鎮於金湯之固拯蒼赤於水火之中其治奉化
閭境以安康固可誦功述德而活奉化東南之性命尤宜刻骨銘心也至平反
訟獄昭雪冤橫猶其能事故略而不書

光緒二十九年荷月

請將已故昌圖府知府錢公開震宣付清史館立傳原稟路槐卿撰

稟爲請將已故循吏生平政績轉呈宣付清史館立傳並送縣志以備採擇事

竊查已故昌圖府知府錢公開震號少如浙江杭州府仁和縣人初以縣丞需次河北駐津通商大臣崇宮保厚檄調入幕以勞績擢知縣旋保同知同治庚午天津民教仇鬪斃教民縣令劉傑遽與法領事豐大業交涉雜取教士迷誘童身事宣播之民大叱崇宮保檄公往喻之公先見劉勸勿輕起外刃且曰殺人者死不問被殺者爲教民也劉不應見豐畫吉凶利害狀甚悉豐心爲動偕詣宮保劉聞而飛輿躡之衆擁其後豐慮窘出手槍仰擊劉呼曰豐大業傷宮保矣衆遂醢豐於天津橋下大肆焚略禍事烈終以損國威賠巨款殺吏民數十人至今津門父老談遺事猶恨公言之不見納於劉也尋奉父諱去津海關道陳欽檄公佐外交有英商輪進口觸我國泊船而傷英領事索償議弗諧公往喻曰頃有人首觸柱而首傷責首乎抑柱也英領事大笑曰柱不動首觸咎

黎樹縣志

己編藝文卷一雜著

一六

瀋陽文化興印書局排印

自在首公曰然則吾國檣船固不動也商輪行觸之誰責英領事語塞事遂寢光緒乙亥奉檄來奉天偵軍事長白崇文勤公實一見器之奏留襄辦善後事宜是爲公歷官奉省之始丙子署鳳凰直隸廳同知時東邊匪亂初平清丈議興衆聚數千人謀抗大吏將兵之公輒請曰不可不可與守成難與慮始民之情也遂請單騎往宣諭恩威申之以禍福人民乃大感動散歸所全甚衆事亦得舉丁丑署義州旋調奉化奉化蒙旗達爾罕王屬地今黎樹縣也初設治廬井籍伍無固志民氣剽悍難理公披掃榛莽勒拊循規設衙署建文廟庠序定學額盛京禮部以規費格沮公蠲俸錢與之得允政平訟理三年教化大行初民有子弑父而逸者向例逆案並罪官故多匿不以聞幕僚率勸不問公曰今徒以患失祿民間有大逆無道亦安之吾不爲也巡道廣敏亦諷公勿治公

卒論捕殺之坐是撤任逾年將軍崇綺得其情奏補奉化回任治如前創修奉化縣志條理井然訪求忠孝節義之行皇皇如弗及蓋用以善俗也重蒞之日百姓相與焚香歡呼曰錢青天復來矣其感人之深如此甲申升興京同知以母憂去無何大府檄公佐督轅讞局有巨盜張海齡者朝旨購捕急防營獲送一稱即張海齡公與高總辦同善會鞫犯自供李景珍然貌類張張左額有黑子右臂有刃傷高令素識者諦李身悉如之遂以爲真公爭之曰張熱河人若海龍人張兇悍若柔懦且李今有母來望苟誤治奈何高不聽並繫母李誣服公移疾弗畫諾及李疾死而真張海齡至羣服公明除昌圖府治昌凡六年其勤如奉化甲午之役省城戒嚴各屬守吏率送眷屬入關民心洶洶昌圖當北路要防稍不支即全省危矣公曰水至而漂去是真所謂土梗也何以官守爲

黎樹縣志

己編藝文 卷一雜著

一七

瀋陽文化與印書局排印

獨止家不遣時時單騎行部問民昌境安邊疆以固任滿入覲奏對稱旨回任以道員候陞然遇事不阿自劾歸田壬子正月病卒年七十有五公性強毅厲節操爲治務在與民爲善治獄善平反遇積案輒廢寢食鞫得其情乃已然無急功近名之心嘗自撰二語祿薄儉常足官卑廉自高所至吏畏而民懷去之日父老婦孺持酒漿遮道爲辭有流涕如失慈父母者自聞公歿士民追悼爲之詞曰我公來民命培我公歿民心哀其流風遺惠足可概見矣紳民等或躬被其澤或耳聞其烈古之遺愛殆不是過恭逢國家修備前清史乘廣納吏治或著述以儲掌故紳民等用敢錄次其政績事實並進所修奉化縣志具敘履歷合詞呈懇台前俯准轉呈宣付清史館採擇立傳云

黎樹常觀察生傳

新城王樹枏撰

昔陶靖節自撰五柳先生傳即今生傳之權輿洎唐白樂天司空表聖皆自銘生壙而蠡縣大儒李恕谷先生命其門人爲撰年譜有規之者則曰吾恐後世之失其真而傳其僞也生傳亦然此蓋大君子矜慎之心不敢以一言之虛飾自欺以欺人者也黎樹常君紹襄輯其尊公括襄觀察立身行政大凡丐余代撰生傳以示子孫曰先生善爲文者若得一言徵信於世吾父爲不朽矣余既辭不獲已謹案狀君姓常氏名蔭廷括襄其字也先世由山西而直隸而山東凡三遷至其祖諱大成者始適奉天居奉化即今之黎樹縣也考諱殿元字重三性敦樸好施人皆恃爲緩急管領邑租賦垂三十年芟鉏宿弊邑人咸食其惠娶妻張夫人生子男四而君居長聰敏嗜學蜚聲黌序間既補博士弟子員益博求經世有用之學光緒甲午舉於鄉入爲內閣中書舍人三十三年黑龍

江巡撫程公德全聞其名聘爲幕府充參事參議各職宣統二年補授青岡知縣青岡初設治又居北徼荒蕪滿目爲盜賊出入淵藪君謂安良必先除暴縣署舊設捕盜營兵三十餘名器窳不任事而城鄉警察亦多有名無實君至立捕盜章約信賞必罰慎簡官警募鄉團躬自督練之先後馘其酋黑虎長江數人賊遠蹕不敢復入境乃建立小學十數區築社倉儲穀粟以備荒歉士絃於學農謳於野治績大張入民國後調任省署參議癸丑再任綏化盜賊益繁民無寧宇人人相戒爲畏途君毅然不顧既蒞任躬蹈荒區出入賊窟穴盡得其主名所在乃練民團嚴巡警擇鄉紳之有膽識廉幹者爲之率未及旬月擒盜首從三十餘人君既長於緝盜而尤善用人蒙旗有懷塔喜者勇士也君上其名大府委爲游擊專任捕盜之責所至騰馳霆擊斬捕輒過當威稜懾張姦宄

歛迹其狡桀者往往投軍伍中藉以藏身莫可誰何甲寅夏巨盜杜永勝以事過縣爲鄉團偵獲訊之已供服矣其軍之長官數來關說君一不瞻顧立磔於市人咸快之劉大虎及其弟劉永生皆匪中之梟也巨案纍纍久緝未獲永生偶返綏爲偵者所捕繫之獄而君適丁父憂去會東荒沿邊匪大熾吉黑兩省賊亦蠡起相勾結爲閭里患大府不獲已下招撫之令降匪首劉大虎等十餘人赴省改編道經綏化要釋劉永生同就撫旣而大虎充某旅團副永生益依勢恣睢椎剽圍奪無虛日而大虎實陰翼之未幾大虎回綏君亦還任所大虎自恃軍職往謁君君佯禮之而密飭警兵擒之以通賊上聞卒伏誅君治綏十餘年仆強植弱邑鮮吠彪君之始蒞綏也兵匪縱橫人民皆重困逃死流離廢業羸柴載涂大吏以賑撫事屬君君量村里遠近男女老弱多寡之等後先綏

黎 樹 縣 志

己編藝文 卷一雜著

一九

瀋陽文化與印書局排印

急之宜占數平施爲之處業而招復之人人感晞如慶更生於是督耕織以課農商建蠶舍以毓髦俊教養旣備復以青岡建社倉有成效乃仿其法督令紳耆勸民積穀爲不時之備乙卯丙辰間淫雨連旬汚邪之田悉堙滔不獲一粒食乃大發倉穀濟之民得不飢人始歎君之所籌備者遠也綏化地處邊徼士習敦龐自腹地士風儻蕩無檢其學說流播闕外諸生多不競於校君躬爲訓導嚴定教條慎選明師納之矩矱學風遂大變無復敢爲邪說詖行以干法紀者君之宰綏化與民相習久人之良莠事之利弊罔弗周知時時巡行阡陌間有訟者皆就理其地一訊而結案無宿牘平生最重人命遇疑獄反復推詳必得其情而後已有潘姓者一妻一弟同處室一夕房主人王甲失馬潘追之死於涂君親往勘驗訊之親鄰僉曰賊殺之也君訊其弟痴甚而觀其妻衣飾不

類貧家婦形色屢驚變言語支吾君究得其狀一鞠而服蓋王甲與婦素有姦借故而殺之也人稱神明當路益重君壬戌擢綏蘭道尹兼辦全區清鄉事宜仍請以懷塔喜統帶全區游擊兵分五路查輯盜匪四境晏然乙丑調黑河道尹未赴改調外交部特派黑龍江交涉員明年兼龍江道尹丁卯轉呼海齊克兩路總辦逾年路工告竣遂解職歸時年五十有九矣君操履芳潔性端嚴不畏強禦服官以愛民勤政爲本不事阿諛大吏皆敬倚之而受知於將軍朱公慶瀾民政使趙公淵爲最深二公者皆一時賢達也君素敦孝友待九族三黨尤厚其有困乏不能自給者每歲必割俸贍之先是重三公居山東置祭田若干畝君又增廣之並補修譜牒爲收族敬宗之舉君之季弟蔭槐字瀚襄博通法律之學志大才高歷官交通總長黑龍江省長人皆望其遠到君則引爲深憂教戒之書至盈尺及聞變痛哭廢寢食足遂不良於行蓋其天性然也君配李夫人生丈夫子二人長炳彝字紹襄次焜彝字紹書女子子五人炳彝現官濱江關監督焜彝現任中東鐵路督辦公署秘書長女適白次女適孫餘待字炳彝焜彝從政皆有聲君督教之益勤以嚴晨夕必率之拜伏於大父母像前告之以繼志述事之大自退老後口不談時事以林泉花木自娛布衣蔬食與寒儒無異論者至比之靖節一流云

貞婦楊淑仁女士自序

時年七十有一

楊淑仁者李節婦之胞妹也嘗自慚生而愚蠢靡一所長茲蒙紳士提舉無德可敘謬叨筆墨敢不述明籍貫仁曾祖諱環讀書務農治家小裕祖諱文顯讀書爲業平生正直爲周族中缺乏蕩產身貧父諱作舟一生排難解紛人多賴

之仁也區區女子身弱力薄既不能耕於野又不善當戶而織惟喜讀語孟六
齡垂髫學醫自期庶幾不徒生人世曾有句云午夜觀書怡小寓一局芳草好
生堂果能變朽回春意不妄吾身一世忙詠此藉以明志也誰知術未精通歧
黃而僅可濟一時之危急虛度七旬餘莞莞一身反累外甥李化周恤養用度
飲饌與其母同其弟鏡周亦時給所需仁深愧無能為矣有何可表也耶

紀事 詩五首

大興王官彥叔任 同治丙寅作

聞說王師重北征長春廳外勢縱橫 時賊占靠山屯龍灣城黑林子諸處軍威已破紅旗膽逆焰

難當鐵騎兵 賊聞洋鎗隊至先自膽寒非敢強中還示弱但求死裏得逃生果然大戰尸狼

藉只聽哀號慘殺聲

豕突狼奔兇莫遏 賊勢窮蹙亡命狂奔竄入邊境烽煙着處實驚人可憐八面城無婦 賊至八面城虜

黎樹縣志

己編藝文 卷一雜著

二二

瀋陽文化興印書局排印

去婦女雜髮改男裝令充前隊婦女聞風逃散誰說朝陽坡有民 賊分三股入邊大兵尾追至朝陽坡慶戰賊大敗遍野尸橫

皆子女滿車輜重半金銀拋戈棄甲追兵遠 要隘無伏兵堵截任其竄入所過村屯化劫塵

葉赫棉街威遠門 賊由葉赫站棉花街威遠堡門竄至開原勢如破竹近開原運籌帷幄頰嗟咄 京盛

將軍前一日抵開原所帶兵少連夜檄調効命疆場屢出屯 降勇許占一迎賊在五里屯出擊寡不敵衆繼又隨同官兵再戰始獲勝仗

徒有牆垣傷過客 賊過村屯焚燒殆盡無舍可棲不聞雞犬剩空村淒淒八社橋邊水流到無

聲欲斷魂

旗傳寇至莫能回 二月十一日賊分股由象牙山竄入鐵界先遣賊至大甸子油房門首插旗聲言是夜在彼住宿夜警城門

禁不開 大甸子離城五十里兵勇齊集守城早閉探馬星馳兵有膽 連夜出探兵役皆有大膽者往羽

書官草吏無材 衆紳商同進縣署商議請兵幕友未到書吏不能予代擬稿繕發室廬過眼成灰燼婦女輕生

集水隈 賊竄雞冠山眠羊等處焚掠尤慘婦女多死者幸喜援師來迅速 福將軍駐節開原次日援兵即至未聞鴻雁

失羣哀

三三五五不猜疑開鐵聯驚隔幾時

去歲十二月初鐵邑劫獄焚署十二月抄開邑反獄戕官今歲二月馬賊竄擾各村

亦最易銷魂逢寇亂那堪設想載驅馳

合邑男婦紛紛小安邊正遇回軍日
福軍

省註鐵一日留兵

却敵全虧駐守師

賊訛開鐵城有洋鎗隊始舍大甸子而去

更喜昇平今有兆官

民相合不相離

慎初堂記

錢開震

自來為政之道莫妙於因亦莫難於創因則因民之利以為利因勢之積以除弊用力少而成功多故曰妙創則必實求其所以利而豫防其所流弊一有弗慎後莫能繼焉故甚難也奉邑本蒙王分藩地道光初招民墾田僅設照磨一員分理至光緒戊寅始改縣治適余承乏茲土凡百創作日夕經營良用惕惕

黎樹縣志

己編藝文卷一雜著

二二二

瀋陽文化與印書局排印

不敢謂與民更始皆有合於治也但先求盡我之心而後見之於事出一令也必反復思曰其尚順民心耶如是而後行不然則止興一役也必反復思曰其尚不至病民耶如是而後行不然則止誠以開其先者容有不謹後將朝令而夕改吾民其何以堪耶是烏乎敢越明年己卯十月建署落成因於西堂三楹顏曰慎初蓋取書言慎厥初之義用以自警慎初云者將以圖厥終也為政者慎終於始而後可以久道化成耳苟求其所以有利無弊將先事而有不敢以不慎矣求有利無弊之所以能終能久將臨事而愈不敢以不慎矣稍存苟且之心可乎稍徇習俗之見可乎操之太急可乎施之無序可乎不因地制宜而執拗鮮通可乎不自我立法而退縮不前可乎夫初者終之基慎之又慎而所為者尚未必盡利吾民而利我

國家也而況不慎哉而可弗懼哉因書誌壁間後之坐斯堂者尙共矢其難其慎之心而有以匡余不逮也斯幸矣夫

思補堂記

趙萬泰

光緒己卯十月既望奉邑創建 學宮告成予乃諏吉自僑寓移居學署維時生徒輩亦與俱焉於是燕飲以落之莫不欣然喜快然足也越明年春乃於二堂五楹顏之曰思補堂諸生有率然請者曰夫子之意云何乃進而告之曰是蓋取左氏傳進思盡忠退思補過之義耳夫盡己之心爲忠凡吾有應盡之心而不求所以盡既知所以盡而因循遷就有以自欺於吾心與夫既盡我心而輕重厚薄進退緩急之間或逾分失中而紊厥序者皆過也不得謂盡我心者遂可以無過也善乎當湖陸氏曰孔子告子張主忠信者進思盡忠之謂也徒

黎 樹 縣 志

己編藝文 卷一雜著

一一三

瀋陽文化與印書局排印

義者退思補過之謂也自聖人而下安有自恃爲無過之可倖哉嘗早夜思之讀聖賢書所學何事果其不愧影不愧衾乎果其家無怨邦無怨乎果其職分無虧而日起有功乎恐皆未之能者衛蘧賢大夫所謂欲寡其過而未能者此物彼志也即今而論余職掌 學宮司教化者也 宮牆巍煥矣而規制尙有未崇春秋告虔矣而典禮尙多未備書升論秀矣而所謂躬行立教之本仰以答聖天子作育人才之心者亦多所未講也敢弗惕惕焉思所以補之求盡我之心以庶幾寡過歟况學廟作而風雨不無摧殘則歲修之資宜預學校興而登進之途較隘則學額之請宜先至若 魁樓文明之象也而訖未建焉學田教養之輔也而今未廣焉是皆不出位而思有以補之並有望於後之秉鐸茲土者足則補之義也夫是則吾之志也夫問者唯唯而退因綴是語書之座右

俾朝夕自傲云

泮宮文泉頌

陳文焯

光緒己卯創建奉化學宮初擇基本在藩邸地局之南嗣以輻輳延緩遂改構迤西高阜之地諏吉興工殿廡告成泮池甫鑿而雙泉出焉夫豈非數耶其在禮曰天子以德爲車以樂爲御諸侯以禮相與大夫以法相序士以信相考百姓以睦相守天下之肥也是爲大順又曰天不愛其道地不愛其寶人不愛其情故天降甘露地出醴泉宋蘇文忠自言其文如萬斛泉源不擇地而出觀手此者蓋又理象之自然也禮運也文運也是之謂乎名之曰文泉其誰曰不宜因爲之頌曰

於皇文治兮天子之光光被四表兮遠訖遐荒巍哉美富兮數仞宮牆人傑地

黎樹縣志

己編藝文 卷一雜著

二四

瀋陽文化興印書局排印

靈兮地脈動而泉湧雙泮宮成而頌聲作兮繼思樂於魯邦翳人文其日盛兮將流澤之孔長

前題

前人

在泮掘尺土雙龍忽起舞可有國士生能爲天下雨

前題

趙萬泰

一色天光映水光卿雲倒影入芹塘無雙國士應雙起預湧雙泉發兆祥

前題

任邱高嘉和

聖代休徵應巖疆作廟成宮牆高數仞泮水湧雙清道是人文萃靈通地脈精淵源接洙泗芹藻頌先聲

三公祠

錢宗昌

人情說到死方難一死千秋死亦安尙有三公餘烈在祠門濃鎖塞雲寒
取義成仁孰與儔荒庭展拜感同仇碑銘讀罷春愁黯滿地梨花起暮謳

前題

取義捐軀意氣真敢將並死抗三仁五雷滾地魂應奪一旅擎天志早伸但使
此心光日月何妨熱血灑邊塵梨花城泮英祠在俎豆千秋永薦新

前題

孟松喬

嗚呼三公之面不可謀祠前一帶溪水流三公之志在不朽千年縹緲香烟浮
記否揮戈馬騰躍陰氣暝濛日色薄我來瞻拜感憤生搔首踟躕依殿脚忽有
清風掠地生恍見英姿高落落

前題

陸槐卿

黎樹縣志

己編藝文 卷一雜著

二五

瀋陽文化興印書局排印

爲國捐軀亦爲民三公舉世頌賢臣人生自古誰無死幾許馨香百代新

前題

郭樹藩

慶文志節合徐公文武居然瞻略同提劍誓師真將帥整冠赴義自英雄千秋
正氣河山壯一瓣奇香俎豆隆此日新祠深仰止聖朝鉅典是褒忠

前題

紹興章國治

追想當年征戰事兵單力弱勢難全丹心但願除凶燼碧血何期灑塞邊耿耿
英靈留夙恨堂堂正氣達青天功臣報國傳千古賜恤專祠帝念賢

昭蘇城

曲廷棻

蒙疆曾說塞分榆訪古蒼茫草欲無不有長河流不盡荒城誰識是昭蘇

河前題

陳文焯

城下河流不盡沙稱名敢謂竟無差迷茫但據金源史我亦荒唐笑井蛙

黎城

趙萬泰

名城千載繫吟魂梨樹花開白玉溫此日黎城俱不見空餘春雪映邊門

前題

屠春芳

芳城冷豔足銷魂一例春寒總不溫回首前朝落晴雪梨花滿地不開門

前題

錢宗昌

梨花放滿城春冷雪初晴記得尋詩處寒光十里生

姜烈婦

路槐卿

夫病瀕危可奈何禱天午夜淚痕多神靈護佑終無驗志節堅貞本不磨但使信心如皎日何妨性命付絲羅同時生亦同時死佳話千年發詠歌

黎樹縣志

己編藝文卷一雜著

二六

瀋陽文化與印書局排印

范烈婦

錢宗昌

范氏婦何其烈女中英人之傑婦年十六嫁劉郎相敬如賓同冀缺方期白首
椀齊眉君子偕老壽耄耄誰知造化擅神奇使之缺陷如凹凸天留缺陷胡爲
乎特爲烈婦立奇節無端中路恨分鸞望斷藁砧成永訣夫病亡婦悲切誓柏
舟心如鉄家貧無子苦伶仃孝事衰翁承歡悅乃翁老矣病纏綿勸而奪志見
何拙婦聞是言轉益傷唯有暗傾一腔血忍泣吞聲詭作歡待期百日委婉說
耿耿此心不可回之死靡他志則決從容殉節不獨生知鳩有毒竟潛咽嗚呼
女子貞烈乃如斯幾讀碑銘歎奇絕使我長吟吟復悲清寒冽冽塞外春飛雪

郭貞女

陳文焯

征車停問古榆城近有名花是女貞本自千金重一諾那知石破與天驚未亡

人在生猶死薄命兒歸死亦生我愧未能青史筆漫敲短句爲揚清

前題

路槐卿

未曾結髮詎寒盟噩耗傳來夢遽驚望斷藁礎棺旣蓋恨填精衛石完貞他年同穴悲先死此日登堂亦寄生遐邇爭傳郭氏女定教百代著賢聲

前題

錢昌宗

乾坤正氣鬱磅礴半在鬚眉半閨閣記昔攬轡榆城隈父老爭傳貞女郭貞女幼字孫家子標梅未賦阿郎死果然一諾視千金之死靡他誓天只我聞此事快飛觥一聲長嘯天爲驚漫論學人矜義氣耳言猶在空寒盟豈無俠士重然諾慷慨輕身踐前約徒拼一死裨幾何直等匹夫填溝壑烈女殉夫烈足稱貞女守貞節盤錯孝親撫嗣極辛勤視被殉夫更奚若貞女之心不可回貞女之

黎樹縣志

己編藝文

卷一雜著

二七

瀋陽文化興印書局排印

風高落落浩浩寒流走黑沙大漠斜陽立皞鶴

苗烈婦

從知烈性本天成一死心甘恨不平記得中宵披案牘秋風愼愼震窗鳴

馮孝子

錢宗昌

篤孝偏能出乞兒事原庸行轉成奇馮君踪跡殊高絕梓里芳名世不知

張司令官景惠紀念碑

蓋聞定危戡亂古元老之壯猷崇德報功邦人士之感戴所以燕然刻石紀資
憲平寇之功棲霞生祠懷武穆愛民之惠澤之所被民不能忘自古已昭於今
爲烈我 陸軍少將張公叙五留侯苗裔睢陽世胄天性慈祥如曹武惠軍容
整肅如李臨淮運金壇之奇略制勝行間建玉帳之宏謀揚威闔外舉足繫東
陲之重建威增中國之光凡我奉省父老罔不聞知無勞覲縷惟其又安吾黎
及黎民所身受者請言其略焉

民國丙辰八月蒙匪巴寶加卜宗社黨魁嘯聚數千人震驚數百里崛起於喀
爾喀猖獗於突泉突焚劫擄掠絕天理姦淫屠殺慘無人道匪之所臨鷄犬
不寧匪之所至井里爲墟該匪又佔據郭家店近迫黎城復利用外人不惜犧

黎 樹 縣 志

己編藝文卷一雜著

二八

瀋陽文化興印書局排印

牲土地以爲酬報勢不釀成國際交涉不止維時吾黎商民惶恐萬狀逃避無
由已陷於岌岌不可終日幸 督軍張公命我少將爲征蒙總司令紫綬金章
共道蔣伸爲善陣白旄黃鉞特咨王駿以巡邊統陸兵防兵警兵以講武妙用
存乎一心合養馬市馬牧馬以司戎訓練如示諸掌豹韜料敵誇明鑑於未然
虎帳談兵握智珠於亥旣步步爲營眞將軍非同兒戲多多益善假齊王遜此
兵威庾開府胡床獨踞虎將共振風威劉越石羌笛一聲蠢爾羣然雲散本成
竹之在胸所至勢如破竹視除苗猶反掌儼然威勝格苗鞍據馬援建殊勳於
白馬帶緩羊祜消浩劫於紅羊擇吉巳以凱旋獻馘則囚殊白乙趁剛辰而飲
至醉心則時值金酉撫瘡痍於子惠之中經營畫擘用培植於甲兵之後復見
天心 少將愛黎民如子弟固黎境於苞桑並未惹起交涉誠近今未有之奇

功也觀瞻榆一帶半已風雨漂搖獨梨樹一方依然絃歌安樂古所謂一路福星萬家生佛者我有焉惟是袞衣赤舄三軍懷愛戴之忱而霖雨蒼生億姓少纖塵之報返之寸衷難安俄頃吾黎之人鑿資建德政碑於黎邑通衢以誌不忘用垂永久合全郡城之民庶久叨大樹餘陰比四萬塔之圓成共祝牟尼偉業庶幾一社粉陰聊誌樂公之惠兩行棠蔭不忘召伯之勞從茲凌烟繪像丹青寫褒鄂英姿益徵捧日爲心黼黻重范韓碩望此日閭閻感戴特刊有道之碑他年里巷傳聞用備太史之錄爰濡毫記之不過表揚張少將之萬一焉云爾

中華民國六年四月上澣

梨樹縣志

己編藝文卷一雜著

一一九

瀋陽文化興印書局排印

于司令官芷山德政碑記

邑紳弓悅賢撰

聞嘗讀明史竊歎平流寇之亂未易奏功以思陵十七載之憂勤熊廷弼左寧南諸人之偉略竟不能制其死命誠以流竄無常莫可方畧迨楊嗣昌四正六隅之策行賊少知懼然求劍刻舟失之膠柱卒使明社爲屋乾坤反覆雖曰謀之不臧亦任人不專耳黎邑地處邊郵舊俗獷悍近年以來聲教漸訖民稱易治去歲同樂之變半屬魯直游氓起自他方竄入黎境擄劫焚掠民不聊生邑宰臧公請兵大府適檄我

旅長于公瀾波來司其事 團長今旅長武公中原副之 公聞警即行晝夜馳二百餘里旁午抵縣時值元宵羣請留憩而 公固請弗許入城即行士馬列市園聽指揮雲騰雷奔星言電赴殲其渠寇賊勢驚潰一戰而捷書飛至匝

黎 樹 縣 志

己編藝文卷一雜著

瀋陽文化興印書局排印

月救平綜是役也計自王家藥舖至老畝屯追襲百餘里與賊力戰者二次生擒擊馘以百數救還被擄子弟三十有奇而爲期不逾旬朔兵士死者僅十有一人嗚呼偉哉難既定黎人謂 公造福於此邦至宏且鉅馨香頂祝之者宜與白山之阜遼水之波同其永在傳示無窮群請刻詩勒石昭垂厥後而屬記於余余惟 公身先率戰用機神速人所知者此特其勇焉耳若其發還子弟嚴禁勒索與士卒同甘苦救人民若焚溺雖古名將之舉措曷以加茲孔曰成仁孟曰取義惟其義盡所以仁至 公洵有焉什曰

巖巖北帖滔滔蘇河風日清曠長遼不波砥此平壤殖彼嘉禾提封無恙物阜安和孰克致此 于公實多龍驤首甲伏莽洊臻簡書告警 公師若神撻伐聿沛立掃頑嚚威行如秋化行如春豈無他人惟 公實醞雪夜入蔡元夕崑

崙有 公之勇無 公之仁旗章拂拂劍佩躡躡虎符九錫乘馬七襄鑾臺奏
勩麟閣迴翔豐碑矗立永矢弗忘願 公一節奠此金湯

中華民國十四年四月一日

黎樹縣志

已編藝文卷一雜著

三二

瀋陽文化興印書局排印

胡節母懿行頌並序

津門王廷珍

余至梨樹城入境問俗即聞父老爲余言里中有胡母者事親以孝相夫以敬撫嗣孤以慈且嚴也心竊懿之嘗以不獲悉其行誼爲憾詢諸都人士略知節母任氏爲名門女結褵未久遽賦柏舟茹苦含辛守婦職惟謹平素躬行節儉雖粒米寸縷必珍惜之而周濟貧乏殊無吝色任恤睦嫻曲有恩紀撫育嗣孤忘其非已出篝燈課讀恒督責不少寬迄能教子成名家聲丕振案胡氏本望族耕讀爲業五世同居其食指以數百計男婚女嫁無虛歲一門禮讓有孝友風子孫繩繩衍爲家法今之譽重膠庠稱爲鳳五先生者節母之冢嗣也其仲子亦名列黌宮群從子弟皆循循有規矩咸承母教於不衰先是鐵嶺鄧香閣侍御聞於 朝奉 旨旌表計守節已四十有三年矣至今經紀內政有條不紊尚賴節母之力居多康強逢吉其德澤正自此遠哉夫聞人之善而不揚非儒者之心也揚人之善而不實是儒者之恥也旣聞其善矣復得其實矣雖欲無言烏能自己爰仿閔宮之什爲綴其詞曰

奕奕胡母湛湛女宗懿德令範婉美郝鍾絜昔來嬪宜家宜室入門蒸蒸高堂色喜孟光舉校少君挽車輝聯林下不櫛而儒克儉克勤通相夫子相敬如賓無愆容止何期哲人逝矣騎鯨淒風冷雨鐙影機聲維母孝養職兼子婦維母教養義兼師傅母心益苦母志益堅承先啓後賴母之賢母賢維何賢母之節柏翠筠青不彫霜雪母賢維何賢母之訓畫荻折菱以策雲奮母賢維何賢母之仁廣行陰隲貽厥子孫母賢維何賢母之義濟困扶危允堪風世善積於人福降自天芝蘭競爽瓜瓞長繇令子克家儒林植表愛日百年春暉寸草行爲

內則言爲女箴質粹於玉性鍊於金侍御染毫封章入告帝有恩言建坊旌表
以式鄉閭以光宗族鸞誥頌榮鴻疇輯福母德愈顯母壽而康既多受祉寢熾
寢昌爰景懿行爰濡翰墨敬頌作詞俟采風者

黎 樹 縣 志

已編藝文 卷一雜著

三三二

瀋陽文化興印書局排印

已編藝文卷二

軼聞

典亡而考諸俗禮失而求在野古聖王詢疾採風廣聞博物猶此志也故商羊爰居爲春秋所不廢烏流熊夢亦書傳所特詳若近今耳目聞見之事口頭傳述之詞凡有可以示勸懲而借指迷惑者均宜一一拾取之以傳諸後人俾知有此土始有此事庶兩存之而不廢焉今本此義一錄黎邑今昔之軼聞
太定社慶雲觀門外之石羊一重千餘斤潘姓耕田所獲

小城子屯高克福舍後古榆一株

即所謂古榆泉者是

村人莫敢毀折其枝犯者輒病

兩塊石屯有石虎二僅三尺餘相傳蒙古人屢以車載之屹不可動若有異焉花城子內相傳昔有池生紅花人折之則頭痛目炫迷不得出棄之乃愈

黎樹縣志

已編藝文卷二軼聞

二三四

瀋陽文化興印書局排印

三面城西北隅有古榆一株相傳其下嘗有雙燈夜出人亦不怖若遙遙相送者有劉某醉酒夜行至此小遺覺鬼物批其頰罵曰莽夫無禮污吾鍋矣至家掌痕猶在人每以爲陰城云

黑嘴子屯嶺傍古榆圍合抱高二丈餘村人伐之出血匠則頭痛不可以忍遂相傳爲神樹至今無敢攀折者斧斤之痕蓋猶在云

傳聞早年村民某甲家小康新婚彌月送婦歸甯途遇馬賊數人衣飾盡爲所劫一賊方指揮剝婦衣僅餘一裙婦哀乞不允賊馬忽立蹄而逸賊倒懸於鐙竟馳贅死衆趨救甲與婦因得脫於難人以爲賊至此惡盈已極故報之速云

以上錄舊志

城內碧霞元君廟階前有榆樹一株蓋有年矣粗可三圍高二丈許亭亭如蓋

相傳舊有蚰蜒大小甚夥窟其根下聚類而居滋長蕃息無敢害之者光緒二十年四月晦夜大雨震雷劈樹直下東北撕去樹幹一股若斧斤劈破者然深入五寸許長至根底晨視樹下蟲皮紛沓由是蚰蜒種絕矣樹至今猶茂人尙稱道其事

城內北街三官廟直對南門大街地如剪股廟臨其上久經圯毀無敢修葺者相傳違者即死初立廟時曾經多人募建均相繼而亡嗣有宋某執不信鳩工開建未及竣工亦卒民國十五年以久經圯毀廟基就平邑紳王喜廷年老嚮善居近廟旁又倡捐修之詎木料方備未及着手而歿談者咸詫爲異事也

同治五年馬儂子作亂轉掠十餘縣破城戕官屠戮人民幾百千計廷議山陵密邇爰欽派大學士文祥督軍剿之時賊勢猖獗脅從益衆勢難驟圖撲滅嗣

黎樹縣志

己編藝文 卷二 軼聞

三五

瀋陽文化與印書局排印

官軍偵知馬儂子祖塋所在爲船山子距縣城東南三十里許遂率兵往掘之其地極詭僻相傳初經異人卜穴及抵墓場旁塚甚多惟中一塚形勢少異塚內掘出馬峰無數中有鐵燈一具尙燃尸體年久未腐已生毛角共云鐵燈不滅賊勢當興因平其塚滅其燈掘後不數月賊果蕩平又云掘馬儂子墓係欽天監曾以地有異氣奏聞故奉朝命掘之也

縣城南靈神廟初有一老嫗施醫禳甚靈祈禱者無虛日光緒三十一年俄兵過境每佔據廟宇拆毀神像毫無忌憚至此留住輒得災病至有死者遂相率而去廟以此獲瓦全迄今屹然香火未衰

昭蘇河發水紀異

查昭蘇河大水兩次相傳第一次在咸豐六年

光緒十七年歲次辛卯七月二十五日未刻雷聲隆隆大雨暴注酉刻河水驟

漲上游自東黑嘴子匯羣流而下流近大泉眼水勢將向西北折溢出北岸平地水深丈許臨河有一趙姓者一家淹斃十八口自是而西流直抵啦嗎甸東南長約八九十里沿岸廬舍多被淹沒翌晨寅刻水始漸退滄斃人數計百有十口牲畜器物漂沒無算先是本年四月間城北有傅同者即村正傅春澤之祖闢立門前見南來一人自言由京師來往奉化縣送公文爲據欽天監預測六月二十五日水滄奉化縣傅云奉化縣城君已走過其人仍照原路向南而去傅某異之於是急往河北親屬家送信通告避免屆期未驗衆謂必係七月二十五日也凡逃避者皆免於難是水之來也其勢直上下行如山倒然水面紅燈無數漂流鍋甕盞盂相撞有聲被淹中有撈取財物者無一倖免事後以京差投文說問之縣署迄無知者

黎 樹 縣 志

己編藝文 卷二軼聞

三六

瀋陽文化興印書局排印

縣西域黎遼毘界處有水泡一相傳內潛黑魚一粗尺許長五六尺鳴聲喑然不常鳴鳴則大水土人每以覘水患焉

縣西百餘里地名小塔子村北里許一塔轟然相傳係清嘉慶年間蒙古人所築高丈二有餘風摩銅頂內爲蒙佛喇嘛坐觀塔成越三年四月間午前突有白氣一道由塔衝出直向西又干牛采地方而去該處住戶金寶善家午時生一男五歲能言即稱係塔中喇嘛轉世至十二歲向其家人告別云將歸山去後不知所終塔猶在焉

八區大明屯住戶王成曾於清咸豐年間置田九十畝施作廟地內有古樹十八株中一株粗逾八圍高三丈餘枝葉茂密下有白蛇洞一村民祈禱背相望後被俄兵焚毀今神樹已亡而古樹猶有存者

縣西三江口河西岸清宣統間有穆三嗑吧者家居河里許一日偕一伴至河邊獵水禽瞥見一巨龜大如碾盤浮沈水面二人裝火槍射之目覩已擊中矣龜卻夷然若不知者悠然沒水中旋舉首四望仍泅泳如故穆大懼回宿年姓家河岸頽圯勢若牆傾未二日年穆兩家田廬盡沒於水竟致一貧如洗

船山又名團山在南滿鐵路北距僅半里遠望宛然如船產青板石天然成方全山及東北坡計地一千七百四十畝原山主爲高鵬喜劉占一二姓光緒二十五年俄人築路於此强行收買採取石鑛周圍挖以界壕鄉民以事關國土交涉爭執甚烈致柴成林爲俄人槍殺當時包辦洋工者如鍾昶許殿甲等甘爲俄奴偃率衆開採土人雖恨甚而固無術以制之也適拳匪亂起俄兵經過鍾許等誤爲拳匪至舉槍擊之俄兵怒亂用槍殺同黨及難者十七口論者謂若輩助外禍國宜其駢死於外人手可見天理尙在也

黎樹縣志

己編藝文卷二軼聞

三七

瀋陽文化興印書局排印

蛇盤廟在啦嗎甸街興隆寺東側今已圯相傳廟有巨蛇一伏於寺旁古榆上時人見之詫爲神異因築附廟祀之名曰蛇盤廟光緒初年當地亢旱會首于某率村衆祈雨於此禱曰果驗願酬以生人頭禱畢果得澍雨人益神之于某乃穿桌爲孔僱乞丐代生頭以踐願言其鑿孔供桌今尙存於寺內故其事猶相傳弗置云

清宣統元年廢歷三月中旬末上午黃風帶雨驟然而至李家臥子村近遼河側見有烏龍一出現由水面蜿蜒直上長十餘丈角杈杆如鹿然隱約於濃霧中尾下垂似錐形移時向東南騰空而去村人聚觀者如堵有農民韓永文者耕地驟馬均被風雨仆地瞥見河水逆流如壁立後聞此物來自哈拉巴山經

懷德十屋黎樹吳家屯六屋以至河上屯等村摧折樹木無算並將河上屯村郭鳳祥正房掀去一角劉文之東廂房五間房蓋揭去室內小兒襁褓飯碗零星什物飄落滿道村人至今道及猶咄咄稱怪不已云

邑東北九十里小城子鎮西街居民唐德榮院內有天然土墩一高三尺許圍五丈餘相傳墩土無敢動者動則目必盲曾有劉慶增之父唐德榮之母因弗信而妄動之均眇一目自後皆相引以爲戒無敢復動者墩中似空洞曩昔地主於墩之東南隅設豚柵一大雨後柵內水滿正患宣洩之無術忽見土墩毗連處出一小窟積水頃刻滲盡迄今百餘年風剝雨冲其勢不稍減亦云異矣邑西百里兩塊石村舊有石虎二現在近居者爲楊姓舊傳近石居民輒失醬莫可究詰後查見石虎身首有醬塗焉疑其爲祟遂碎其首石存而虎形失故

黎樹縣志

己編藝文 卷二 軼聞

三八

瀋陽文化與印書局排印

以兩塊石名其村

民國十一年廢曆正月初八日天初昏時忽見白練經天寬二尺許由東南起迄西北止有聲似裂帛光射室中通明如晝移時始沒

邑西八十五里有哈拉巴山之分脈高十餘丈長六里許新開河帶繞於其前初闢荒時漢蒙雜居近山居者常遙見暗霧籠罩山巔狀似黑牛二隻踞焉及近視之則無故名黑牛山

崔少婦藥王廟北五里許居民萬氏女年二十四歲患鼠瘡民國十八年二月間因瘡身死葬埋越三日其夫前往葬所封土俗曰圓墳忽聞墳內有人語聲驚駭逃歸呼家人隣衆復視之墳內語聲又作審聽之確爲少婦口音也追詢悉甦生情狀始破墳開棺扶之出昇回家中語言行止悉如從前無少異據少

婦云死後曾見已故戚族某某囑令之歸並示以冷水洗瘡方法現如法洗治瘡果見癒矣

按死後三日復活世罕所聞幸賴棺本封閉不嚴兩手握有餅餌得不悶殺
餓死據此傳說曾經志館調查員張鼎臣親赴少婦家詢悉確實事不妄
傳爰當錄之可爲世之死
用厚棺木嚴封閉者警

光緒三十年有山東塾師徐某者早歲攜眷來邑是年設帳於小城子鎮東土龍村王義家院西近牆有土室三楹師徒講習處焉師夙在塾寢一日大風且霾有山東遊學者二人來欲宿此塾師以其同鄉也允之無床被師與東家生王憲章者各歸家宿讓鋪以待客至夜半突起火生徒二十人厨夫一人宿客二人均燼焉隣人撲救者至已遲風急火猛迄無濟噫亦慘矣先是有孫生夜夢同學如相戲者被人以紅繩聯繫之師與王生既繫矣一人急遽入解放之

黎樹縣志

己編藝文卷二軼聞

三九

瀋陽文化興印書局排印

聞外問曰數符乎內曰二十三醒後默念全塾二十三人師與王生既脫矣何得仍云二十三耶舉以告人多不解也事後憶其言始恍然爲定數也生徒皆穉子同遭焚如之慘不知天數云何惟此二客者不先不後自入殼中作師與王生之替死鬼則又謂之非數不可也越日縣令徐公蒞驗時觀者千衆皆淚下肇禍時爲五月初十日也

梨樹縣志勘誤表

類別	卷次	頁數	行數	數字	數	誤	正
已編藝文	卷一雜著	二	一九	一四	床		麻
藝文	卷一雜著	二至四	騎縫	<small>已編字下</small>			脫藝文字
藝文	卷一雜著	四	九	二四	鶚		鴉
藝文	卷一雜著	五	四	一九	鑱		纒
藝文	卷一雜著	六	二	二	鳩		鳩
藝文	卷一雜著	七	一七	七	粉		紛
藝文	卷一雜著	八	七	七	攪		攪
藝文	卷一雜著	八	一〇	五	歐		毆
藝文	卷一雜著	九	一三	八	以		亦
梨樹縣志	勘誤表						
藝文	卷一雜著	一〇	一九	三	夫		婦
藝文	卷一雜著	一六	五	一五	廳		聽
藝文	卷一雜著	二三	二〇	三	足		是
藝文	卷一雜著	二四	七	三〇	手		乎
藝文	卷一雜著	二五	二〇	一	河		衍文
藝文	卷二軼聞	三五	一一	九	瑩		瑩